




Die Matie

TWEEWEEKLIKSE STELLENBOSSE STUDENTEKOERANT
UITGEGEE ONDER BESKERMING VAN DIE SR



Jaargang XXXIII Nr. 5 PRYS 10c

VRYDAG, 27 APRIL, 1979

ASB: NA TIEN JAAR WEER NEE

Mej. Ing.

DIE poging om Stellenbosch terug aan die ASB te kry, het misluk. Nagenoeg 42 persent van die stemgeregtigde Maties het met 'n meerderheid van stemme teen individuele heraffiliasie sowel as die SR-voorgestelde wyse van affiliasie gestem. Daarmee het Stellenbosch sonder enige twyfel bewys dat die meerderheid nie binne die ASB in studentepolitieke wil deel hê nie.

Die stemming het soos volg verloop: Van die 41,98 persent wat gestem het, het 54,9 persent teen die voorgestelde wyse van affiliasie gestem en 42,2 persent daarvoor. 68,9 persent het teen individuele affiliasie gestem en 27,3 persent ten gunste daarvan. Uit 8 714 stemgeregtigdes het 3 659 gestem waarvan 22 bedorwe stemme was.

HUIS MARAIS

Die hoogste stempersentasie is in Huis Marais behaal met 'n stempersentasie van 100%. Monica was die dameskoshuis met die hoogste stempersentasie, naamlik 99,3%.

In Simonsberg en Wilgenhof is 'n stempersentasie van onderskeidelik 98,78% en 98,49% behaal. In Heemstede was die stempersentasie 98,66%.

Die stempersentasie by die verskillende fakulteite het ook 'n paar interessante feite opgelewer. By die Regsfakulteit het 54,47% gestem, terwyl die Fakulteit van Opvoedkunde 'n skamele stempersentasie van 10,28% getoon het.

Die besonderhede van die verskillende koshuise en Fakulteite verskyn op bladsy 7.

DIE SR-voorsitter, mnr. Jan de Wet, het gister die volgende verklaring n.a.v. die ASB-referendum aan *Die Matie* uitgereik:

Met die afgelope referendum het die Studenteraad die studente-unie getoets oor sy gevoel oor die ASB. Die rede hiervoor was hoofsaaklik tweërlei van aard: ener syds omdat die verhouding van Stellenbosch t.o.v. die ASB jaarliks telkens bevraagteken word en daar al 'n geruime tyd gevoel word dat die hele aangeleentheid op die spits gedryf moet word, en andersyds, omdat die SR daarvan oortuig is dat Stellenbosch se aandeel in die Suid-Afrikaanse Studentepolitiek meer dinamies kan wees en dat nouer skakeling met die ASB hiertoe kan bydra.

Die uitslag van die verkiesing het alle twyfel uit die weg geruim: die oorgrote meerderheid van Stellenbosse studente wil nie binne die ASB student-polities betrokke wees nie, selfs al is die aanvanklike beswaar van

sentrumaffiliasie nie meer relevant nie. Met hierdie referendum word 'n era dus afgesluit en rus die onus op die studente van Stellenbosch om self na ander alternatiewe te soek. Hieraan sal die SR steeds, soos in die verlede, sy aandag gee. Stellenbosch gaan nou 'n nuwe toekoms in en ek wil 'n beroep op alle studente doen om weer ernstig te gaan besin oor die wyse waarop hierdie studente-unie sy aandeel in die land se studentepolitiek tot 'n maksimum kan uitbou. Ek wil graag alle persone wat aan die referendum deelgeneem het, en in besonder dié wat met die organisasie daarvan gemoed was, opreg bedank.

Uitslag

Wyse van affiliasie:		
Daarheen	1997	22,91%
Ten gunste	1535	17,61%
Buite stemming	105	1,20%

Individuele Affiliasie:		
Daarheen	2505	28,74%
Ten gunste	993	11,39%
Buite stemming	139	1,59%

Aantal stemgeregtigdes	8714
Stemme uitgebring	3659
Stempersentasie	41,98%
Bedorwe stembriewe	22




Die pragtige Anita du Plessis, 1979 se Mej. Ingenieur, sal môre weer die jaarlikse trapkarwedren afsit. Sy is 'n derdejaar van Harmonie en kom van Heilbron. (Lees berig oor trapkarwedren op bladsy 9.)

Blanke minderheid: — Pas aan of sterf

DIE Afrikanerleiers moet versoen raak met die feit dat hulle 'n minderheidsgroep vorm wat in die nuwe omstandighede nie langer as 'n blanke elite-regering alleen vir die hele bevolking sonder hul toestemming kan wette maak nie, het prof. Floors van Jaarsveld, hoof van die Departement van Geskiedenis aan die Universiteit van Pretoria, verlede Dinsdag voor 'n groot aantal geesdriftige toehoorders in die Wilcocksaal gesê.

Prof. Van Jaarsveld, een van die voorste historici in Suid-Afrika, wat onlangs in die nuus was deurdat hy tydens 'n toespraak in Pretoria deur lede van die Afrikaanse Weerstandsbeweging geteer en veer is, was die gas van die Departement van Geskiedenis.

Onder die titel — Die Evolusie van Apartheid, 1948-1978 — het hy as "historikus en nie as politikus" historiese perspektief aan die afgelope dertig jaar gegee.



PROF. F. VAN JAARVELD
Hy deel die tydperk in drie fases op: Die eerste fase van ideologiese, doktrinêre en negatiewe apartheid gedurende die Malan- en Strydom tydperk, waarin mense en groepe deur wetgewing hermeties van mekaar geskei is.

Die tweede fase — die Verwoerdfase — waarin "afsonderlike ontwikkeling" geïnspireer is deur die dekolonisasie van Afrika sedert 1957 en wat op swart tuislande as 'n interne dekolonisasieproses neerkom.

Die derde fase, in die Vorster-era, was grootliks 'n reaksie teen die naderskuivende rewolusie van Afrika. Die val van die Portugese kolonies in 1974 en die Soweto-opstande van 1976 was hier die grootste invloede. Dié tydperk is gekenmerk deur eksterne dialoog en détente met Afrika en ná 1974 interne konsultasie met die nie-blankes.

"Die Regering is op pad na 'n multi-dimensionele oplossing vir die rasvraagstuk. Die situasie in Suid-Afrika het tot ernstige nadenke onder veral akademiese geleë."

"Soos die Apartheidsbeleid van 1948 die 'foute' van die verlede wou herstel, só het die veranderde omstandighede opnuut 'foute' in die apartheidstelsel, wat met die oog op oorlewing uitgeskakel moes word, ontdek."

"Die ou slagkreet 'segregeer of sterf' is vervang deur 'pas aan of sterf.' Die besef het deurbreek dat die einde van 'n blanke-gedomineerde era bereik is.

"Dit het die Nasionale Party byna dertig jaar gekos om te ontdek dat daar iets soos rassediskriminasie bestaan."

"In die plek van die 1948-monisme is 'n veelheidsopvatting besig om hom in die Suid-Afrikaanse demokratiseringsproses te vestig. In plaas van 'n veel-rassige eenheidsstaat, is 'n veelheidstaat besig om vorm aan te neem."



MNR. THEUNS ELOFF



MEJ. I. TREURNICHT

LEIERS SÊ HUL SÊ:

STELLENBOSCH REEDS STUDENTE-ORGANISASIE

"**I**NDIEN die ASB nie vanuit hulself dinamiese inisiatief het nie, sal dit ongesond wees om dit in hulle te probeer blaas" het mej. Ilse Treurnicht, Maandagaand op 'n SAAK-vergadering gesê.

Mej. Treurnicht was een van die vier sprekers wat die vereniging toegesprek het oor die voor- en nadele as Stellenbosch ingevolg 'n nuwe stelsel by die ASB heraffilieer.

Die ander sprekers was Mnr. Jan de Wet, SR-Voorsitter, mnr. Theuns Eloff, SR-Voorsitter van Potchefstroom en die huidige president van die ASB en Mnr. Hilgard Bell.

Mej. Treurnicht het gesê dat sy dit as 'n baie positiewe stap beskou dat die ASB wel besig is om te verander.

BESWARE

"'n Mens behoort egter morele besware te hê om binne 'n organisasie in te gaan bloot om hom te probeer verander. Die Universiteit van Stellenbosch is reeds opsigself 'n studente-organisasie met 'n unieke infrastruktuur waar skakeling prakties baie beter funksioneer."

KONSOLIDASIE

"Indien jy Afrikaner-konsolidasie as eerste prioriteit stel, gee jy 'n tree terug in die rigting van strukturele seksionele belange. Ons moet brúe bou en 'n stap terug na die ASB is 'n stap agteruit op 'n oomblik waar ons nie so 'n stap kan bekostig nie."

SKAKELING

"Wat ons nodig het, is 'n basiese skakeling met anderskleurige studente — nie 'n rondom 'n ronde tafel met

bloudrukke nie, maar 'n vleisbraaiery om te sien dat hulle net sulke mense soos ons is."

Mej. Treurnicht het gesê dat Stellenbosch in die tien jaar van sogenaamde isolasie 'n meer ope gespreksituasie bereik het. "Ons het ook 'n mandaat aan die SR gegee om polities 'n meer kreatiewe rol te speel."

ELOFF

Mnr. Eloff, as ASB hoofbestuurder, het verduidelik hoekom Stellenbosch wel met die ASB moet affilieer. Hy het gesê dat die ASB 'n skakelingsvlak vir Stellenbosch bied. "Die mening van Maties behoort landswyd gehoor te word." Stellenbosch sal wat studentepolitiek betref, nie meer in die koue staan nie.

"Dat die ASB die Maties se 'oop gesprek' met ander bevolkingsgroepe sal benadeel, is 'n drogargument. As jou vel wit is, is amptelike skakeling met swart en bruin kampusse baie moeilik. Hulle vra nie of die kampus verlig, verkraamp geaffilieer by ASB of NUSAS is nie."

"Die ASB sal geen nuwe stempel op Stellenbosch afdruk nie. — Die anderskleurige studente sal steeds op informele basis (soos óók met die ASB) met Stellenbosch skakel."

"Daar 85% van Stellenbosch se studente Afrikaans is, is dit ten minste hul reg om self te besluit of hulle deur middel van hulle SR 'n mening binne die ASB wil lug.

NA-OORLOGSE DUITSE DRAMA IN THOM

MAX FRISCH-STUK VANAAND

ANDORRA van Max Frisch word van vanaand af in die H.B. Thom-teater deur UTS opgevoer. Die toneelstuk is onder spelleiding van Johann van Heerden en word weer op 28 April en van 3 tot 5 Mei opgevoer. Die rolverdeling is soos volg: Dawid Minnaar (Andri), Annette Marais en Elmari van Niekerk speel om die beurt Barblin, Elize Britz en Libby Daniels speel om die beurt die Moeder, Jannie Gagiano (die Soldaat), Nico Loubser (die Onderwyser), Noël Roos (die Dokter), Emile Aucamp (die Idioot), Sampie Heyns Hendricks (die Skrynwerker), Conrad Heyns (die Iemand), die Senora se rol word onderskeidelik deur Christa Kotzé en Anel Oberholzer vertolk. Niel le Roux (Priester), Chris van Jaarsveld (Herbergier) en David Muller (Ambagsman).

Max Frisch en Friedrich Dürrenmatt is van die belangrikste na-oorlogse Duitse dramaturge. Kruik het in die afgelope jare *Don Juan* en *Die Brandstigers* van Frisch opgevoer. *Andorra* is in 1961 geskryf en in 1964 in Engels in die National Theatre opgevoer.

Andorra is tydloos. Frisch werk met universele probleme soos die skuldgevoel in 'n gemeenskap, die mens se traagheid om skuld te erken en die neiging om 'n sonderlinge mens te wil uitwerp.

BRECHT

In die stuk kan die invloed van Bertolt Brecht gesien word. Die gebeurtenisse vind nie in die tradisioneel-chronologiese wyse plaas nie, maar vervorm van verlede tot hede.

Andorra is gekies spesifiek omdat elke student daarby kan leer en dit sal geniet. Frisch het beklemtoon dat die toneelstuk geen verband met die staat Andorra hou nie. Die dorpenaars in die stuk is almal verskillend die herbergier, die dokter en die skrynwerker.

JOOD

Hulle stem egter almal saam dat hulle land een van "vryheid en regte en menseregte" is. Volgens die dokter kan 'n mens nog die waarheid in hul land praat. Daarom is dit ironies dat die onderwyser vir twintig jaar al met 'n leuen saamleef. Die "Joodse" seun wat hy van die "swartes" oorkant die grens gered het, is sy eie seun.

Andri, die seun, het ouer geword en die gemeenskap sien hom as 'n "buitestaander" en een wat "anders" is. Wanneer die onderwyser dan op 'n dag die waarheid wil vertel, glo niemand, insluitend Andri, hom nie. Andri is al so gewoon aan die omstandighede dat hy aan homself as niks anders as Joods kan dink nie.

Andorra is 'n sterk sielkundige drama. Daarbenewens sal diegene wat in politiek of geskiedenis belangstel ook die toneelstuk interessant vind.

Buiten die dramastudente is daar vanjaar van 'n groot aantal buitespelers

gebruik gemaak. Emile Aucamp en Noël Roos is dosente verbonde aan die Dramadepartement. Jannie Gagiano is die aan die Dept. Staatsleer verbonde en Nico Loubser hou by Paul Roos-Gimnasium skool.

Die kostuums is deur Elaine Aucamp versorg en Emile Aucamp behartig die tegniese versorging. Die dekor is deur Marjorie van Heerden ontwerp. Dr. Roelof Temmingh het 'n klankbaan van elektroniese musiek en effekte spesiaal vir hierdie program saamsgestel.

SUKSESVOLLE REGISSEUR

Johann van Heerden is een van die land se jong regisseurs wat reeds bewys het dat hy suksesvolle opgang maak.



JOHANN VAN HEERDEN

Plekbesprekings is by teaterbesprekings (Edrich).

RACHELLE GREEFF



'n Oomblik van konsentrasie tussen die Andorraners: Andri (Dawid Minnaar), die priester (Niel le Roux) en die koster (Leon Theart) afgeneem gedurende 'n repetisie. Andri is die "buitestaander", die een wat "anders" is. *Andorra* van Max Frisch, opgevoer deur die Universiteitsteater en onder spelleiding van Johann van Heerden open vanaand in die H.B. Thom-teater.

FORTUNE'S FIRE IN ENDERSAAL

Tenoor en Luit 'n Belewenis

DIT is baie moeilik om 'n konsert soos dié van die Britse duo, Fortune's Fire, in woorde te beskryf. Dit is 'n konsert van die tenoor Wynford Evans en luitspeler Carl Shavitz verlede Vrydagaand in die Endersaal was 'n ryke belewenis.

Wynford Evans se sang laat 'n mens nie in elkeen se smaak val nie, moenie vergeet om hande te klap. Sy aanvoeling vir styl, frasering, asembeheer en sy onbesproke diksie is werklik voortreflik.

DANA DE WAAL

Nuwe Penseel Eersdaags

DIE ASK se publikasie *Penseel* waarin studentedigtens en skrywers geleentheid het om hul werk gepubliseer te kry, verskyn weer eersdaags. Daar word beplan om die verskyning daarvan te laat saamval met KULTUS-week. Die publikasie is na verskyning teen 50c verkrygbaar by die Dept. Afrikaans en Nederlands in die Wilcocksgebou. Dit word aanbeveel vir enigiemand wat 'n belangstelling in die ontwikkelende letterkunde het. Voornemende publisereers kan by voorbaat bydraes vir die volgende uitgawe van *Penseel* stuur aan: Die Redaktrise, *Penseel*, Wilcocksgebou, Stellenbosch stuur. Die redaksie is veral begierig om bydraes van die Tygerbergkampus te ontvang.

TEGNIK

Evans laat 'n mens van die tegniese sy van die musiek vergeet. Sy sang word gekenmerk deur 'n goed deurgevoerde klanklyn en bewuste tegnik word tersyde gestel.

SAMESPEL

Die samespel tussen Evans en Carl Shavitz (luit) is, soos 'n mens van twee knap musici wat reeds vanaf 1968 saamspeel, kan verwag, uitstekend. Die program het grotendeels uit komposisies vir luit en tenoor uit die 16de en 17de eeu bestaan. Hulle het ook op spesiale versoek 'n werk van Phyllis Tate ingesluit. Dié werk het sonder twyfel dié hedendaagse komponis se aanvoeling vir vokale en luitmusiek bewys.

MOEILIKE WERKE

Fortune's Fire voer baie moeilike werke uit, maar die gehoor het dit baie geniet. Hoewel hul musiek waarskynlik

Kuns Kalender

H.B. THOM-TEATER
27 en 28 April; 3 - 5 Mei - *Andorra* (Max Frisch)

KONSERVATORIUM
6 Mei - Eric Martens (tjello).

9 Mei - Etensuurkonsert.
11 Mei - US-Blaasorkes saam met UK se Jazz Band.

13 Mei - Sondagaanduitvoering.

16/19/22 Mei - Beethovenklavierkonserte: Kruik-orkes met Lionel Bowman as solis.

7 - 17 Mei - "Kinkels in die kabel" en "Die Wonderwerk" deur Kruik.

FILMVERENIGING
30 April - Rocco and his brothers.

7 Mei - Judex.
Science Fiction-reeks
1 Mei - Alphaville en Metropolis.

4 Mei - Dr. Strangelove en 2001: A Space Odyssey.

5 Mei - The Man Who Fell to Earth en Dark Star.

VIVE LA DIFFERENCE NR. 2

Weereens 'n toer deur die Departement Frans o./v. prof. Eben Meiring.

23 Dae deur Europa. Vertrek 22 Junie - keer 15 Julie terug.

Toerprys: R1295 met 3 maaltye per dag ingeslote.

VIR VOLLE BESONDERHEDE, KONTAK:

JET INTERNATIONAL
Travel






Trust Bank Sentrum
Andringstraat 43
Stellenbosch 7600
Posbus 3038, Stellenbosch 7600
Telefoon 71136
Teleks 57-6980 C.T.

FOTO STUDIO LOCKLEY



Cor Langenberg.
DIE FOTOGRAAF VIR DIE STUDENT
Vir u groepphotos, portret paspoorte, huweliksphotos en gradeplegtigheidsfoto's.
KOM NA ONS VIR PERSOONLIKE DIENS
TEL. 3131 PLEINSTRAAT
BESTEL VROEG VIR HUISFOTOS!

Hier is u Radio Matie-Omroepers



Johan Els is die hoofomroeper van Radio Matie. Hy is op kweekskoël en bly in Helshoogte. Johan is lief vir 'n grappie oor die lug en klink soos 'n professionele omroeper.

Theunis Smit, primarius van Pieke, Suidwester en teoloog se ideaal is om mense gelukkig te maak. Hy laat die Maties aangename herinneringe beleef met sy "goue oues".

Herman Fourie is omroeper asook die Advertensiebestuurder. Hy is ook lid van Pieke se Juniorbestuur en maak ook gereeld sy verskyning vir die Maties op die atletiekbaan.

Chris Heymans, voormalige Hoofredakteur van Die Matie en tans besig met sy meestersgraad in Staatsleer. Die enigste ding wat hom vroeg uit die vere jaag, is 'n uitsendingsbeurt om 8.30 v.m.

Mariëtte Kruger. Tot verlede jaar nog 'n Puk, maar deesdae is sy 'n volbloed-Matie. Mariëtte is die enigste vegter vir vroueregte tussen die Radio Matie-omroepers. Sy is in Erica en swot vanjaar H.O.D.

"SCIENCE FICTION" ANDER BLIK OP WERKLIKHEID

WANNEER daar van 'science fiction' gepraat word, toon die meeste mense 'n heeltemal eensydige en totaal onmotiverbare reaksie; goedkoop, effens gelerige leesstof, net so 'n trappie onder 'n swak 'western'. Groteske beelde van slymerige monsters wat met die heldin weghardloop of waansinnige wetenskaplikes wat in 'n borrelende proefbuis gluur, is vir hulle die ruggraat van dié genre.

Om so 'n uitsig te probeer verbreed d.m.v. 'n omvattende definisie van 'science fiction' werk ook nie; dit is 'n speletjie wat selfs die kenners al tot vervelens gespeel het. 'n Mens moet veel eerder na 'n paar eienskappe daarvan kyk, en na so 'n paar sentrale temas.

Quixote en Sancho Panza bestorm metafisiese windmeulens. Die verskil is dat 'science fiction' progressief is, eerder as retrospektief. 'n Positiewe poging word aangewend om 'n houvas te kry op die onbekende, veral die onbekende van die toekoms.

not about space travel; it was space travel". Die ervaring van die onbekende kom baie naby aan ons lyf.

'n Uitstekende seleksie van wetenskapfiksiefilms word van 1 tot 5 Mei deur die Filmvereniging aangebied. Enigiemand kan by enige van die vertonings vir die reeks inskryf. 'n Wye spektrum van idees uit die wetenskapfiksiewêreld word gedek - die mens gebuk onder die mag van teknokrasie en burokrasie (*Alphaville* en *Metro-polis*); satire oor die mens en sy gevaarlike speelgoed (*Dr Strangelove*); 'n soektog na 'hoër' intelligensie elders (*2001*); en die reaksie van die mens op 'n buite-aardse man, of nog meer interessant, sy reaksie op *homo sapiens* (*The Man Who Fell to Earth* met, terloops, briljante spel deur David Bowie as die 'alien').

Wetenskapfiksie bied aan die moderne mens wat sy wêreld so goed ken, en deur amper niks verras word nie, die een groot moontlikheid van 'n nuwe bron van verwondering, iets wat hom sy asem laat ophou. En dit kan lekker wees, gaan kyk maar na *Dark Star!*

NUWE PERSPEKTIEF

'n Geharde realis mag dalk opspring en kaspie maak teen eteriese vaaghede, maar dat 'science fiction' ook relevant kan wees, is nie te betwyfel nie. Waar wil jy nou 'n interessanter reaksie op die totalitêre staat hê as in *Repent Harlequin, said the Ticktockman* van Harlan Ellison, of 'n beter studie van die mens onder geweldige stuk as in *Rogue Moon* van Algis Budrys? Selfs algehele fantasie is nie sinneloos nie. C.S. Lewis se fantasie was jou vensters. Dit stel jou in staat om nuwe perspektief op die werklikheid te kry en dit dalk beter te verwerk.

Die film voeg nog 'n dimensie by. Die projektor as 'dream machine' laat die fantasie voor ons visueel en hoorbaar werklik word - "2001 was a film



Die simboliese slottoneel uit *Andorra*. Elmari van Niekerk en Niel le Roux tydens 'n repetisie afgeneem. Sien berig op bladsy 2.

Kultus '79 program

PROGRAM - KULTUS '79

Maandag 30 April: *Openingsaand*. Bosorkes en Universiteitskoor: Endlersaal; 19h00 - 20h00; kaartjies 50c - te koop in koshuise, USAT, ASVS, DASUS-kantore LSS, Foyer.

Dinsdag 1 Mei: USAT en KREATUS.

Vermaaklikheidsaand: "Gat" LSS; 19h00 - 20h00; toegang gratis.

Woensdag 2 Mei: DASUS en ASVS.

Filmvertoning: Beeldende Kunste Gebou - Grootzaal; 13h15 - 13h45; toegang gratis.

ASVS-konsert: Kompetisie van Afrikaanse ligte musiek deur studente gekomponeer. Aankondiging van wenners van poësie-kompetisie; Endlersaal; 19h00 - 20h00; toegang gratis.

Donderdag 3 Mei: Konservatorium en ASK.

Middaguurkonsert deur Konservatoriumstudente: Endlersaal; 13h15 - 13h45; 50c-kaartjies by deure.

Poesiebespreking deur dr. J.C. Kanne-meyer gelei: Wilcocksgebou; 19h00 - 20h00; toegang gratis.

Vrydag 4 Mei: *Andorra* H.B. Thom-teater; 20h00; by Kultus '79 lokale.

Die US-Filmvereniging se filmvertonings en Science Fiction-reeks vorm deel van Kultus '79.

STEYN VERKEN DIE GRENS

Die Afrikaanse Studiekring was besonder bevoorreg om dr. Elize Botha van die Universiteit van Pretoria as spreker by sy jongste vergadering te kry. Die tema was *Dagboek van 'n Verraaier* van J.C. Steyn.

Dr. Botha het 'n interessante, dog ongewone, benadering tot die tema gehad deurdat sy Steyn se werk hoofsaaklik binne die ontwikkelingsgang van die Afrikaanse prosa geplaas het. Sy het gewys op die belangrike periode vanaf Jan Rabie se *Een-en-twintig* tot by *Windroos*, en die daaropvolgende beweging tot realisme, met sy "vertelling as ondersoek" en "eksplisiete waarskynlikheidsomkleeding". In aansluiting hierby het ons *Kontreikuns* en die sg. *New Journalism*, met eksponente soos *Die Swerffare van Poppie Nongena* en ander soortgelyke "outentiek-dokumentêre" werke.

GRENS

Juis hierdie aspek, nl. die botsing tussen werklikheid en fiksie het haar by Steyn se werk gebring, aangesien hy die grens tussen hierdie elemente verken. Hy ondersoek ook veral die grens tussen die ou en die nuwe wêreld van die Afrikaner. Volgens dr. Botha het hy 'n "sinnebeeld van ons tyd" op 'n baie openlike wyse geskep.

MIN VERBEELDING

In dié verband het sy uit George Steiner aangehaal: "Fiction falls silent



DR. ELIZA BOTHA

before the enormity of factual exposition." Die vraag is dus nou in watter mate Steyn se werk 'n groeipunt verteenwoordig binne die totale omvang van die Afrikaanse prosa.

Dr. Botha het 'n interessante teorie aan die gehoor oorgedra: "Afrikaans beweg in die rigting van die Essay. Ons het te min verbeelding om romans te skryf."

BENODIG U

Fotografiese Toerusting
Pragtige Ateljee Foto's
Sakrekenaars
Kleurfilm Ontwikkeling
24 uur diens met gratis film

?

KOM KUIER VIR



EDRICH

Ryneveldstraat 34
Stellenbosch
Foon 5420

Campus Control — a pain in the neck?

MICHÈLE ALEXANDER

ONE of the biggest problems facing Campus Control is vehicle control on central campus. This area has the greatest demand for parking. Central campus parking has to be divided between delivery vehicles, university and maintenance vehicles, building contractors, staff vehicles, visitors and last but by no means least, students. Campus control has to accommodate this demand for parking and at the same time consider the safety of thousands of pedestrian students who stream across campus every day.

FREE OF TRAFFIC

Mr van den Elzen, head of the Campus Control, would ideally like to see a system of parking on the periphery of campus or a high-rise parking building on the edge of campus with organised transport to and from parking and central campus at regular intervals. Central campus would be free of all traffic and students would be able to wander leisurely along, deep in discussion or meditation without fear of being flattened by a passing car or deafened by a 1 000 cc motorbike. Walking to and from classes would become a pleasure instead of a hazard. Campus Control has made a step in this direction by cutting down on the criss-crossing of campus by motorbikes.

MONEY

The implementation of a system of peripheral parking or the construction of a high-rise building is however faced with a familiar problem — finance. In this time of financial stringency such a project would be low on the Universities' list of priorities. Campus Control funds for the maintenance of present parking areas and the financing of new parking area projects are supported by the rental fees (R10 per annum) paid by students for their parking bays and by fines. However this money is only a very small percentage of Campus Control funds. Until adequate funds can be raised, it will be impossible to imple-

could be a system of shared parking bays. Students in the same area could form lift-clubs. Instead of bringing for example, four cars onto campus every day and paying for four separate bays, the cost of one bay could be shared by four students who would take turns to bring their cars. The cost of a parking bay, the cost of petrol and the volume of traffic on central campus would be cut down.

HOSTEL PARKING

Parking area for the hostels Lydia, Minerva and H.T.B. still presents a problem for Campus Control. The area behind these residences belongs to the municipality; so it is not possible to build a parking area there. Without municipal permission the municipality stipulates that parking areas for hostels must be close to the hostel concerned. The amount of parking is proportional to the number of people in the

building.

This year students may have wondered why they have to present their vehicle-insurance licence when registering their cars at Campus Control. According to Mr. van den Elzen, the reason is that in the past, problems have arisen when registered cars have been fined because students have made errors on their registration forms. The presentation of an insurance licence will prevent such errors from being made in future.

Mr van den Elzen says that he has found that students are generally most co-operative and realistic about the problems of Campus Control. He is very much in favour of more direct contact between the students and Campus Control. If students have any grievances or need advice, Mr van den Elzen and his staff are very willing to discuss the problem and try to help out students.

HOEKOM BETAAL NET STUDENTE?

'n Aspek van kampusbeheer waaroor die meeste studente 'n wenkbrou sal lig, is die betaling vir parkeerplekke.

Die doserende en administratiewe personeel betaal blykbaar nie vir parkeerplekke nie.

R13 000

Van die 1 800 parkeerplekke op die sentrale kampus en by die Ingenieursgebou word net 500 deur studente gebruik. Teen R10 per parkeerplek beteken dit dat R13 000 aan moontlike parkeerplekgeld verlore gaan. Vrae wat nou ontstaan is: Betaal studente dan ook vir die ontwikkeling van dosente se parkeerplekke? Is dit reg of nie?

Op ander kampusse — UK, Potchefstroom, Wits, Bloemfontein en Tukkies betaal almal vir hul plekke. Ons vra maar net.



Luxurious ways of getting there!

ment any new system which might alleviate the problem of vehicle-control on central campus.

The demand for parking on central campus has to a certain extent been alleviated by the new parking area in the vicinity of the Conserve. Approximately 80 out of the 150 parking bays have been given to students. However it is impossible to create more parking area on central campus.

SHARED BAYS

Another solution to the problem of parking on central campus for students not within walking distance of campus

Dialux Diamante

Groothandel en Uitvoer

Pleinstraat 21 - Stellenbosch - Tel.: 3131

Ons soek
studente-agente
vir die verkoop van
Diamantringe op kommissiebasis

WAT frustreer die studente die meeste? Hoewel Kampusbeheer tans tweede is op die ongewildheidslys — die munisipale verkeersbeamptes loop los voor — is daar fasette van Kampusbeheer wat pla.

Die algemeenste frustrasie is parkeerplekke en motors. Soos blyk uit verskeie opnames wat gedoen is, is die parkeerplekke op die kampus geheel en al onvoldoende. In baie gevalle is dit ook duidelik dat parkeerplekke onregverdig en onrealisties toegeken is. Plekke wat vir universiteitsamptenare en besoekers uitgesit is, is feitlik altyd beskikbaar, met ander woorde in onbruik. Studente mag egter nie daar parkeer nie, maar daar is ook nie alternatiewe parkeerplek nie.

"BESOEKERS"?

Wat studente en hul ouers kwel, is wat is "Besoekers" nou eintlik? Waarom gebeur dit dat ouers wat Vrydae hul kinders by die klas kom haal en op besoekersplekke parkeer, aangesê word



This is how it all happens: top left: Phase 1: Our Campus Control officer spots the potential victim. Top right: Phase 2: Identification. Phase 3: bottom right: The fine. Phase 4: bottom left: Report on a successful mission.

FRUSTRASIES — PARKEERPLEKKE EN MOTORS

om hul motors te verwyder. Kan ons nie 'n meer realistiese en mensliker benadering kry nie?

STUDENTEPRET

Studente bly studente... en ge-



'n Toekomsblik — eendag sal alle vervoer so lyk. Waar Stellenbosch vandag is, is die land môre (sic).

sonde pret is deel van 'n student se lewe. Selfs ons oupas en oumas verstaan dit. Dit wil egter voorkom asof Kampusbeheer dit nie kan verstaan nie, want daar is 'n neiging om hierdie gesonde studentegees heeltemal te demp. Stellenbosse studentepret was nog altyd uniek, daarom moet Kampusbeheer eerder probeer om 'n positiewe bydrae tot die behoud daarvan te lewer.

MENSLIKHEID

'n Algemene frustrasie is die gebrek aan menslikheid by die meeste Kampusbeheerbeamptes. Menings daaromtrent wissel van "bombasties", "polisie-managtig", tot "te amptelik voordoen".

DANKBAAR

Die studente is maar ondankbaar vir wat Kampusbeheer vir hulle doen. Wie van die studente sal (selfs vir betaling) bereid wees om jaar in en jaar uit die kampus op te pas; selfs in pannekoekweer? Hul strenge houding word daarom verstaan, maar daar is 'n vermoede onder die studente dat Kampusbeheer op 'n kommissiebasis funksioneer. Hoe anders verklaar 'n mens die feit dat hulle vieruur in die oggend parkeeroortreders soek om voor kaartjies uit te skryf?

BEGRIP

In Kampusbeheer se guns kan gesê word dat min studente werklik deur hulle gefrustreer word. Alle regdenkende studente begryp hul moeilike taak. Die mening is eerder dat daar van Kampusbeheer 'n grap gemaak word.


Nog Radio Matie-Omroepers . . .



Van Heerden Heunis is 'n 3de jaar Admissiestudent. Hy is 'n knap redenaar en ook huiskomiteelid van Libertas. Hy dink graag aan verliefdes en verloofdes wanneer hy sy plate kies vir sy program.



André Myburgh is 'n 2de jaar Regstudent van Simonsberg en is die enigste omroeper wat op Engels uitsaai. André is ook verantwoordelik vir die Engelse nuus op Woensdae.



Hendrik Verwoerd, 'n 2de jaar B.A.-student, is lid van die Junior Breëbestuur en ook 'n kranige veldloop atleet. Hendrik geniet dit om musiek vir almal te speel - trouens dit is ook sy program se naam.



Dewald Visser is ook 'n student in die Regte en sy belangstellings wissel blykbaar van "pinball" tot politiek. Sy musieksmaak varieer tussen Boston en Montavani. Dylan, Janis Ian en Eric Clapton is egter bo.



Jannie Marais is die primarius van Libertas en ook kaptein van die Matie-atletiekspan. Hy is 'n 3de jaar Regte-student en glo sy uiteenlopende belangstellings maak van hom 'n meer gebalanseerde mens.

DAGBREEK REÛNIE 'N WARE FEES

Staatspresident vereer

DAGBREEK het die naweek van 6-8 April reünie gehou, en meer as 250 oud-Dagbrekers en 200 huidige inwoners van die koshuis het hierdie feestelike gebeurtenis bygewoon.

Die reünie is gehou om Dagbreek in sy nuwe gerestoureerde vorm in te wy om die bekendste Dagbreker, Sy Edele mnr B.J. Vorster, tydens 'n dinee te vereer.

PROF. DE VRIES

Die koshuis is by die geleentheid deur die Vise-Rektor van die Universiteit en oud-Dagbreker, professor M.J. de Vries, aan die inwonende hoof, dr Walter Claassen oorhandig. Hierna is daar 'n huisvergadering gehou onder die voorsitterskap van mnr Piet Lombard, hoof van die departement van Ontwikkeling van die Universiteit. Die vergadering het ook geleentheid gebied aan oud-Dagbrekers om van hul ervarings in Dagbreek te vertel.

IN MY KONTREI

Die verrigtinge is Saterdagoggend vroeg begin met die aanbieding van die program In my Kontrei, vanuit Dagbreek se vierkant. Gys van Schoor, huidige primarius het die program ingelei met 'n vooruitbeskouing oor die naweek se program. Daarna was Sy Edele mnr B.J. Vorster aan die woord en hy het melding gemaak van die besonderse gees wat in Dagbreek heers. Hy het gesê dat hy 45 jaar gelede 'n eerstejaar in Dagbreek was en dat hy sy tyd hier as van die aangenaamste

periodes in sy lewe beskou. Dawie Snyman en dr Bethel Muller het ook van hul dae in Dagbreek vertel.

In 'n rugbywedstryd die middag op die Danie Craven-stadion het die span van Dagbreek die Oud-Dagbrekerspan met 20-4 geklop. Amos du Plooy, certydse Springbok, het op 53-jarige ouderdom die oud-Dagbrekerspan aangevoer.

Die hoogtepunt van die naweek was ongetwyfeld die dinee wat Saterdagoggend gehou is. By dié geleentheid is Dagbreek se tweede erepenning oorhandig aan 'n Dagbreker wat hom besonderlik onderskei het. Die toekenning is gemaak aan die vorige rektor van die Universiteit, prof H.B. Thom.

SPRINGBOK-EREROL

Daar is toe oorgegaan tot die ondertekening van Dagbreek se Springbok-erol. Dit is onder andere onderteken deur Willem Delpont, Amos du Plooy, Jan Pickard, Flappie Lochner, Boland Coetzee, Jackie en Dawie Snyman, almal oud-rugbySpringbokke en Tommy Brummer, Springbokwaterskiër. Verskeie Springbokke, soos Dawie de Villiers en Danie Malan, kon die geleentheid nie bywoon nie.

Die Staatspresident het hierna in sy toespraak hulde gebring aan die persoon wat hy beskou as die grootste

Dagbreker van alle tye, wyle dr H.F. Verwoerd. 'n Oorkonde waarin Dagbreek hulde aan mnr Vorster bring, is deur Sy Edele Minister H.H. Smit, aan hom oorhandig.

EREDIENS

Sondagoggend was daar 'n erediens in die studenkerk wat deur 'n oud-Dagbreker, ds. Jan Hanekom, gelei is.

Die naweek is afgesluit met 'n ete Sondagmiddag in die koshuis.



Pres. John Vorster arriveer in Dagbreek, sy ou tuiste.

TRAPKARUITHOUWEDREN

Hoogtepunt van Ingenieursweek

DIE reeds tradisionele Trapkaruithouwedren van môre (28 April) plaas. Dit is, soos in die verlede, die hoogtepunt van Ingenieursweek wat vanjaar vanaf 24 tot 28 April plaasvind.

Ingenieursweek het reeds Dinsdagoggend met 'n kaas-en-wyn-geselligheid in die LSS afgeskop, waartydens vanjaar se Mej. Ingenieur bekendgestel is. Sy is die 21-jarige Anita du Plessis van Heilbron, en is uit die 12 finaliste van die

Mej. Ingenieurkompetisie gekies. Donderdagaand was dit tyd vir die Ingenieurs se eksklusiewe gorrelklub om te vergader.

Vanaand vind die prestige Ingenieursdans in die LSS plaas, en by die

geleentheid word Mej. Ingenieur deur die ere-president van die VSIS (Vereniging van Stellenbosse Ingenieurstudente), mnr F.A. Heymann, gekroon.

INSKRYWINGS

Meer as dertig inskrywings word vir die wedren verwag, maar daar word minder karre as in die verlede vanaf ander sentra verwag. Daar is twee redes hiervoor, nl. die huidige brandstofbesparingsveldtog, en die feit dat Tukkie se trapkarwedren ook môre plaasvind. Laasgenoemde toestand is geskep deur 'n misverstand by die nasionale Trapkarorganiseerder wat die datums vir wedrenne moet goedkeur.

Reeds van vroeg môreoggend af sal die trapkarspanne op die baan bedrywig wees. Gedurende die loop van die oggend word al die karre ge-inspekteer om na te gaan of hulle aan die voorgeskrewe spesifikasies voldoen, en dan moet hulle 'n kwalifiserende tyd om die baan opstel om hul wegspringposities te bepaal.

Die wedren word voorafgegaan deur die primaria-fietswedren om 13h00, en om 13h30 volg die optog om die baan deur die drompoppies, Mej. Ingenieur en al die deelnemers. Om 14h00 sal Mej. Ingenieur die wedren afsit met die Republiekvlag. Die wedren duur ses moordende ure, en die trapkar wat in hierdie tyd die meeste rondtes aflê, is die winner. Die totale prysgeld vir die wedren beloop ongeveer R600.

Na afloop van die wedren is daar 'n ete vir al die deelnemers, waartydens Mej. Ingenieur die pryse sal oorhandig. Om 19h30 word daar ook 'n sokkiejool in "Die Gat" aangebied vir al die toeskouers.

DIE BESTE BURGER IN DIE KAAP IS BY KENTUCKY

Die volledige Colonel Burger-gewoon of met kaas. Gemaak op aanvraag van gesonde, voedsame bestanddele en afgerond met 'n watertand sous.

- Vars gebakte broodjies gegeur met heerlike sesam-saad.
- Vars gekapte uie maak jou Burger nog lekkerder.
- Dun skyfies ingelegde komkommer vir daardie ekstra geur.
- Skyfies van die sappigste tamaties maak 'n Burger om van te droom.
- 'n Groot porsie broso, vars slaai.
- Jy verkies jou Burger met kaas? Dis die geurigste, heerlikste cheddar.
- Eenhonderd persent suiwer beesvleis-frikadel, vinnig gerooster om sappig geurig te bly.
- Die Kolonel se spesiale sous. 'n Verloklike geur wat jou mond laat water.

Kry jou Colonel Burger nou by jou naaste. Kentucky Fried Chicken-winkel.

"Die vingerlek-tek-ke"

ASPU SE REDES OORTUIG NIE

Stil ASPU lewer geen

bydrae nie



Die twaalf skoonhede wat hierbo rustig onder die eikebome verkeer was almal finaliste in die Meji Ingenieur-kompetisie. Bo sit v.l.n.r.: Lizette Tromp, Anel Strydom, Anita du Plessis, Celeste Scholtz, Ansie Engelbrecht en Gill Vith. Voor (v.l.n.r.): Emily Schneider-Waterberg, Marietjie van Eeden, Giselle Taljaard, Barbara Shutler, Karen Joubert en Louise Scholtz.

DIE besluit van ASPU (Afrikaanse Studentepersunie) om nie sy redakteurs toe te laat om as afgevaardigdes die onlangse Nasionale Redakteurskonferensie, wat op Stellenbosch aangebied is, by te woon nie, het daartoe gelei dat die afgevaardigdes en waarnemers van SASPU (South African Student Press Union) die vergadering verlaat het. Die uitstappery het gevolg op 'n lang en hewige debat op 24 Maart nadat ASPU se deelname as "passiewe" waarnemers nie vir die organiseerder, Chris Heymans, of vir SASPU aanneemlik was nie. Hulle redenasië was dat ASPU se stilsywe die konferensie nie sinvol kon laat verloop nie.

Die motivering vir ASPU se stap om slegs waarnemers sonder spreekstem na die konferensie te stuur, was die feit dat, volgens ASPU, inligting aangaande die konferensie onvoldoende was en laat ontvang is. Die gevoel het dus ontstaan dat hulle hierdeur, onvoorbereid op besprekings wat ook soms politieke gekleurde is, besprekingsgewyse aan die kortste end sou trek en ASPU se naam dus aan ondeurdagte besluite gekoppel word. Tydens 'n hoofbestuursvergadering op 10 Maart het ASPU ook twyfel oor die bestaansreg van 'n NRK uitgespreek en daarom die organiseerders versoek om die konferensie uit te stel en die program betyds beskikbaar te stel sodat ASPU deelname bespreek kon word. Weens die weiering van hierdie versoek is slegs waarnemers gestuur.

Die Stellenbosse Publikasiekomitee, wat die konferensie gereël het, het met spyt kennis geneem van ASPU se besluit om nie hulle individuele koerante toe te laat om die konferensie by te woon nie en het o.a. die volgende standpunte gehuldig:

1. Die beswaar oor 'n gebrek aan tyd vir voorbereiding dra nie veel gewig nie, aangesien gedetailleerde inligting skriftelik byna drie weke voor die konferensie aan alle deelnemers gestuur is.
2. Dat ASPU skielik wil besin oor die bestaansreg van die konferensie is onverklaarbaar, aangesien hulle dit self voorheen aangebied het en verlede jaar se konferensie in Pretoria veral baie suksesvol en vrugbaar was.
3. Gesien teen die agtergrond van 'n vorige krisis, toe ASPU nie 'n voorgestelde seminar in Port Elizabeth in 1977 wou bywoon nie, om baie dieselfde redes wat vir hierdie geval geld, het die publikasiekomitee 'n suspisie dat ASPU met 'n ongelukkige spel besig is en hulle versoek om hulle posisie

en gesindheid spoedig in heroorweging te neem.

4. ASPU se versoek dat die konferensie uitgestel moes word, is weens praktiese redes van die hand gewys, aangesien daar reeds verlede jaar ooreengekom is dat vanjaar se konferensie voor Stellenbosch se April-vakansie sou plaasvind.

In Die Wapad van 6 April word in die hoofartikel die mening gehuldig dat die uitstappery van die SASPU verteenwoordigers gesien kan word as 'n indirekte gevolg van die feit dat ASPU nou "aktief sy lede begin beskermt het." In dieselfde artikel word dit ook as betreurenswaardig beskou dat SASPU uitgestap het ten spyte van die feit dat hul mosie dit indien ASPU nie as volle afgevaardigdes wou deelneem nie, óf hulle óf SASPU die vergadering moes verlaat, nie deurgevoer kon word nie. Voorts word gewys op die kommunikasie-gaping tussen die koerante van ASPU en SASPU wat weer duidelik na vore gekom het uit die gebeure rondom die onlangse NRK. Dit sou net goed doen as die twee organisasies meer kontak opbou, soos byvoorbeeld deur notules uit te ruil en mekaar na vergaderings en konferensies uit te nooi. Volgens die artikel het ASPU sy "positiewe ingesteldheid" teenoor die NRK's bewys deur aan te dui dat hy "sy beste gaan doen" om die konferensies in die toekoms te laat slaag.

TWYFELAGTIG

Vir die krities-evaluerende leser of waarnemer van die gebeure rondom die pas afgelope NRK is daar egter 'n heel paar twyfelagtige oorwegings agter die ASPU optrede. As hulle eerstens drie weke as te min tyd beskou om voor te berei vir 'n konferensie van redakteurs is dit te betwyfel of enige tydperk hulle opgewasse sou maak vir dié taak. 'n Mens kry hier net die gevoel dat ASPU sy eie vermoëns rondom die konferensietafel in twyfel trek. Hierdie onvermoë word nou verdoesels agter sogenaamde *beskermingsfunksie* en 'n negatiewe afskietpoging van SASPU as "swak verloorders" omdat hulle (SASPU) se mosie nie deurgevoer is nie.

Hoe ASPU nou skielik die bestaansreg van die konferensie in twyfel kan trek, weet net hulle, aangesien hulle self voorheen die aanbieders was en verlede jaar se konferensie in Pretoria baie vrugbaar was. Dit is ook opmerklik dat hulle reeds in 1977 om baie dieselfde redes nie 'n voorgestelde seminar in Port Elizabeth wou bywoon nie. Het dit nie tyd geword dat ASPU sy posisie en gesindheid duidelik moet uitspel nie?

STREWE

Volgens ASPU kan die kommunikasie-gaping tussen ASPU en SASPU koerante slegs deur die uitruil van notules en die uitnooi van mekaar na konferensies oorbrug word. Nou vra mens jouself af: Is die NRK dan nie juis so 'n geleentheid nie? Wat het dan nou van die ASPU-strewe geword?

Dit is duidelik dat ASPU se "positiewe ingesteldheid" teenoor die NRK's twyfelagtig is en dat sy sogenaamde pogings om sy "beste te doen" om konferensies in die toekoms te laat slaag net eenvoudig nie goed genoeg is nie!

JOHANN SWART

OP ANDER KAMPUSSE

BROEDERSPOOK LOOP WEER

DIE Broederbondspook veroorsaak deesdae baie konsternasie op Engelstalige kampusse. Veral op Wits en die Universiteit van Natal word gepoog om akademië en universiteitsamptenare wat lede is van die "geheime" organisasie, te ontmasker.

By die universiteit van Witwatersrand het pogings van die studentekoerant, *Wits Student*, om die name te publiseer, skipbreuk gelei toe die Rektor, prof. D.J. du Plessis, dele van die koerant verbied het. Die koerant is verder verbied om die name van enige Universiteitsraadslede, wat lid is van die Broederbond, in die toekoms te publiseer. Die artikel is klaarblyklik verbied omdat dit die beeld van die Universiteit sou skaad en omdat die artikel nie wenslik geag is in die lig van die universiteit se onsekere finansiële toestand nie. Die SR het 'n mosie aangeneem waarin prof. du Plessis se optrede betreur word en dat enige verdere stappe om kontrole oor die studentepers uit te oefen tot openlike konfrontasie sal lei.

By die universiteit van Natal is twee akademië onlangs ontmasker. Hulle is mnr. J.H. Stander, 'n voormalige direkteur van Onderwys in Natal en 'n lid van die universiteitsraad en mnr. Ben Cilliers, 'n lektor in Genetika aan die universiteit. Die SR het mnr. Cilliers uitgedaag om in 'n openbare debat sy lidmaatskap te verdedig. Hy het egter geweier. Die administrasie het egter 'n verklaring uitgereik waarin hulle dit duidelik stel dat die Broederbond geen rol speel by die aanstelling van personeel tot die universiteit nie.

ASB IS ELOFF SE HEENKOME

Theuns Eloff, ASB president, het onlangs saam met Auret van Heerden, Nusas-president, op 'n openbare platform by die Universiteit van die Witwatersrand opgetree. Theuns het onder andere die volgende te sê gehad:

"Die ASB was in die verlede 'n verkrampte organisasie. Dit neig egter om al hoe meer verlig te word soos weerspieël in die aanstelling van 'n komitee om die Kruispad vraagstuk te ondersoek."

"Ek dink dikwels meer radikaal as wat ek in die openbaar sal sê."

"Indien ek die ASB sou verlaat sou daar vir my as Afrikaner geen ander aanvaarbare heenkome wees nie. Gevolglik het ek besluit om in die ASB te bly en dit van binne af te verander."

Soos verwag kan word, is almal binne die organisasie nie lirieks oor hierdie opmerkinge van hom nie. In 'n brief aan Potchefstroom se studentekoerant, *Die Wapad*, spreek 'n student skerp kritiek teenoor hom uit. Volgens die skrywer is die verhoog vanwaar hy gepraat het die ideale klimaat vir hom om sy radikale denke tot uiting te bring.

ASBEELD

Die ASB se jongste studiestuk, *Asbeeld*, het onlangs verskyn en handel oor die Swartes buite die tuislande. Dit is deur Johan Wasserman en Grietjie Pienaar van RAU opgestel. Getrou aan tradisie beveel die opstellers aan dat die vraagstuk met spoed binne die raamwerk van die beleid van volkere ontwikkeling opgelos moet word. Verder word ook aanbeveel dat die toestroming van Swartes na Blanke gebiede met meer doeltreffende beheermaatreëls voorkom moet word. Sinvolle konsolidasie van die tuislande word ook bepleit. Politieke magdeling met die Stedelike Swartman word verwerp terwyl oproepe om die toekenning van

volle burgerregte aan die Stedelike Swartman met "volgehoue vasberadenheid die nek ingeslaan moet word".

'n Moontlike punt van kritiek is dat die opstellers van die stuk dit uiters moeilik vind om die probleem buite die raamwerk van die huidige regeringsbeleid te benader. Aanbevelings word gemaak slegs ter verbetering van die huidige regeringsbeleid. Ander vorme van akkommodasie word nie eens genoem nie. Die vraag kan ook gestel word of die opstellers werklik onder die indruk gekom het van die totale radikalisering van die Soweto gemeenskapsleiers se politieke siening wat van hulle aanbevelings kwalik 'n oplossing van die probleem maak. Praat met die mense, nie oor die mense, is tog een van die duur lesse wat ons uit die Soweto onluste van 1976 geleer het.

TEREGSTELLING

Die teregstelling van Solomon Mahlangu het onlangs heelwat reaksie op die Wits kampus uitgelok. Die Studenteraad het kort voor sy dood 'n eenparige versoek tot die Staatspresident gerig om sy lewe te spaar.

AFRIKANER-OPVOEDING SKERP GEKRITISEER

IN vanjaar se eerste uitgawe van *National Student*, NUSAS se kwartaalblad, verskyn 'n artikel wat Suid-Afrika se opvoedkundige stelsel sterk aanval. Volgens die artikel is Christelike Nasionale Onderwys (CNO) 'n totalitêre beleid wat daarop gemik is om die Nasionale Party en die blanke as geheel in hulle oorheersing, politieke mag en superioriteit te bevorder.

Die artikel beskryf hoe die Afrikaners na die Boere-oorlog pogings om hulle kinders te angliseer teengestaan het deur Christelike Nasionale skole op te rig. Dit was 'n positiewe stap vir 'n volk wat hulle identiteit wou behou, en die skole se doel was om samewerking tussen Engels- en Afrikaanssprekendes te bevorder, in lyn met Hertzog se tweestroom opvoedingsbeleid.

In 1931 het die FAK die Instituut vir Christelik-Nasionale Opvoeding (ICNO) gestig om hierdie implimentering van Hertzog se beleid teen te staan. In 1948 het hierdie instituut sy aanbevelings gepubliseer. *National Student* haal Prof. van Rooy, vorige voorsitter van die FAK en die Broederbond aan waar hy sê "... Ons wil geen menging van tale... kulture... godsdienste of van rasse hê nie."

Volgens die pamflet beteken Christelik "yasklewing aan die Artikels van die drie Afrikaner kerke". "As 'n onderwyser nie 'n Christen is nie, is hy 'n dodelike gevaar vir ons". Hierdie

aanhaling bewys die fundamentalisme van CNO, volgens "*National Student*". Verder word daar gesê dat die stelling in die pamflet *Liefde vir Alles wat ons s'n is* gesien kan word as 'n blatante on-Christelike sentiment.

Nasionaal, soos in die pamflet beskryf, beteken separatisties; kritiek word verbied en daar moet met dweep-sug aan die menings van 'n ekstreme minderheid geglo word. Dit is die sentrale konsep in die CNO-beleid.

Onder opvoeding bedoel die pamflet nie die ontwikkeling van die verstand nie, maar die verslawing daarvan. Die gebruik van die woord *vorming* in die pamflet wys die bedoeling uit om vir kinders te sê wat hulle moet glo en voel. Die kind, en later die student op universiteit, mag nooit self uitvind wat hy persoonlik oor 'n saak sou dink nie: hy moet in CNO glo, en *liefde vir sy eie voel*.

National Student gaan verder om die ICNO pamflet se houding teenoor *Kleurling en Naturelle opvoeding* te

beskryf. Hulle opvoeding moet nie ten koste van blankes gefinansieer word nie.

Ware geluk vir Kleurlinge sal slegs gerealiseer word as die Afrikaner sy heilige taak vervul deur hulle Christelike Nasionaal op te voed, volgens die ICNO pamflet.

Naturelle-opvoeding moet gebaseer word op die beginsels van trusteeskap, ongelykheid en segregasie; sy doel moet wees om die Witman se siening van die lewe, veral dié van die Boerenasie, wat die senior trustee is, in te print sê die pamflet.

National Student gaan dan aan om op te merk dat die sisteem van CNO duidelik ontwerp is om Suid-Afrikers van mekaar te vervreem en om blankes saam te trek in 'n poging om mag en oorheersing in die land te behou. Dit is dus 'n ideologiese beleid van opvoeding. Deur blanke en swart kinders hulle dwang te laat voel, glo en weet deur net dit wat die staat hulle wil hê om te voel, glo en weet.

NEE VIR ASB — WAT NOU?

FRANCOIS VAN DER MERWE

MET die pasafgelope referendum is die mening van die studente-unie oor die belangrike vraag van affiliasie by die ASB deeglik getoets. Die antwoord van die studente-unie is oënskynlik 'n ewe deeglike *nee*. Stellenbosch se posisie ten opsigte van die ASB is ten minste vir die hede, duidelik en onteenseglik gestel.

Tenstanders van die affiliasie-aksie het allerlei besware teen die referendum ingebring. Nie alleen sou dit ontydig wees nie, maar ook oorhaastig en sonder die nodige voorbereiding. Indien Stellenbosch egter 'n beduidende rol binne die ASB wou speel, sou affiliasie met die oog op die komende ASB-kongres op Stellenbosch gedurende Julie, so gou moontlik afgehandel moes word. 'n Skielike referendum kon egter beswaarlik die geldigheid daarvan in gedrang gebring het.

stemming te bring, het die SR nie alleen edelmoedigheid sy motiewe bo verdenking geplaas nie, maar oënskynlik ook affiliasie op 'n *pro rata* basis verongeluk. Selfs met 'n mandaat van 11,39% van die studente om namens hulle te affilieer, het 'n meerderheid van studente hierdie wyse van affiliasie verwerp en gevolglik die SR-mosie in hierdie verband genegeer.

Stellenbosch kan nie na die referendum van 25 April affiliasie by die ASB verkry deur middel van sy SR nie. Die *status quo* word dus gehandhaaf en tot tyd en wyl die ASB verdere veranderinge in sy grondwet aanbring ten opsigte van affiliasie en individuele lidmaatskap toelaat, sal Stellenbosch se studente buiten deur die ASVS, geen toegang tot die ASB hê nie.

MISLEI

Daar is aangevoer dat die SR die studente-unie sou mislei het met die ware inhoud van die hele referendum-vraagstuk. Hiervolgens sou affiliasie in werklikheid al reeds plaasgevind het sodat die referendum slegs moes aandui presies hoeveel SR-lede *pro rata* namens die studente-unie moes affilieer. Alhoewel daar ten tye van die referendum nog geen uitsluitel was oor presies wanneer die *pro rata*-beginsel in werking sou tree nie, is die bewering van misleiding ten sterkste ontken. In die SR-mosie van 28 Maart waarin die beginsel van 'n referendum aanvaar is, is voorsiening gemaak vir die moontlikheid van 'n minderheidstem ten gunste van affiliasie. In so 'n geval sou die SR sy beplande affiliasie op 'n *pro rata* grondslag, kon hersien.

Met die referendum is die studente-unie nie net om 'n mening aangaande affiliasie as sodanig gevra nie, maar is ook die voorgestelde wyse van affiliasie vir goedkeuring tot stemming gebring. Die uitslag is reeds ou nuus. 'n Groot meerderheid van 68,5% van die wat gestem het, verwerp persoonlik affiliasie by die ASB. 'n Skamele 993 studente stem vir affiliasie. Belangriker egter is die feit dat 54,6% van die wat gestem het, die wyse van affiliasie soos voorgestel deur die SR, verwerp het. Volgens enige beginsel van demokrasie word die SR hierdeur effektief weerhou van affiliasie by die ASB op die terme soos vervat in die mosie van 28 Maart en sedertdien soms met groot teenstrydigheid verduidelik.

BO VERDENKING

Deur sy wyse van affiliasie tot

AANVAARBARE ORGANISASIE

Alhoewel pogings om 'n aanvaarbare intertaal en -kleur studente-organisasie te stig tot nou toe misluk het, het die verantwoordelike hiertoe nie ophou bestaan nie. Stellenbosch is miskien juis in 'n unieke posisie om nou dat die gekerm oor die ASB hopelik vir eers gestuit is, 'n toonaangewende rol te speel in hierdie verband. Intussen moet ons by monde van ons leiers die verantwoordelike en deurdagte uitsprake maak wat Stellenbosch aan die voorpunt van die soeke na aanvaarbare alternatiewe vir Suid-Afrika sal plaas.



'n Toonbeeld van Stellenbosch se algemene apatie. Rondom die groepie op die foto, onder wie mnr. Gerhard Barnard, voorsitter van die ASVS (middel, links) en mnr. Theuns Eloff, president van die ASB (middel, regs), skitter die Maties in hul afwesigheid.

Affiliasie : Finale Nekslag toegedien

OP 25 April, elf jaar nadat Stellenbosch die ASB verlaat het, het die Stellenbosse studente op oortuigende wyse getoon dat die ASB nog net so onaanvaarbaar as elf jaar gelede is. Heraffiliasie is individueel met 2 505 teen 993 stemme finaal die nek ingeslaan. Ook die wyse van affiliasie is met 1 997 teen 1 535 stemme verwerp.

Op 28 Maart 1979 met die aanvaarding van 'n mosie in die SR, ingedien deur Jan de Wet en geselekteer deur Deon de Kock, waarin voorgestel is dat Stellenbosch op 25 April na die stembus gaan om te besluit oor ASB-affiliasie en, indien wel, of die manier van affiliasie *pro-rata* moet wees, het dit gelyk na die begin van die einde van 'n tydperk van twyfel en onsekerheid oor waar Stellenbosch binne die studente-politiek staan.

PANEELBESPREKING

Op Maandag 23 April het die verkieping al momentum begin wen deur 'n paneelbespreking onder beskerming van SAAK. Terwyl Jan de Wet en Theuns Eloff 'n sterk saak vir affiliasie uitgemaak het, het Ilse Treurnicht en Hilgard Bell die teenoorgestelde standpunt ingeneem.

Hilgard Bell het daarop gewys dat daar nie by Stellenbosch 'n werklike behoefte aan affiliasie bestaan nie. Hy het die SR beskuldig dat hulle die studente aan die neus lei. Die SR voer aan dat hulle die ASB as forum wil gebruik, maar dit kan nie, want volgens die SR affilieer hulle nie as Studenteraad nie.

In teenstelling hiermee het Jan de Wet daarop gewys dat Stellenbosch 'n belangrike rol in die studentepolitiek te vervul het en dat hy hierdie rol op mees kreatiewe wyse alleen binne die ASB kan vervul.

Theuns Eloff het Stellenbosch se ooreenkomste met die ASB beklemtoon en daarop gewys dat kennis van die ASB geneem word. Dit sal dus vir

Stellenbosch as platform kan dien. As verdere redes vir affiliasie het hy aangevoer dat die ASB dinamies groei, dat die ASB 'n skakel met ander kampusse bied, en dat daar nog byvoorbeeld vir lede soos 'n NEDBANK-kaart is.

NIE MEER VERLIG NIE

Ilse Treurnicht wat haar sterk teen affiliasie uitgespreek het, het beklemtoon dat die hoofbestuur van die ASB nie die algemene lid se politieke siening verteenwoordig nie. Die enigste SR binne die ASB wat bereid is om te verklaar dat hy sy studente politiek verteenwoordig is dié van RAU; en dié verklaar kategories dat die ASB nie besig is om meer verlig te word nie.

Maar meer belangrik nog is dat volgens mej. Treurnicht die konserwatiewes binne die ASB 'n aanslag op die meer verligte element beplan. Indien dit deurgevoer word — in die post-Eloff fase — waar staan Stellenbosch dan?

Intussen is stemdag — 25 April — en 'n inligtingsvergadering op Dinsdag 24 April wyd geadverteer. Veral die adverteer van eersgenoemde het reaksie oor 'n wye front uitgelok.

PETISIE TEEN PLAKKAAT

Onder leiding van FOKUS is dan ook 'n petisie opgestel wat die skynbare eensydigheid van hierdie plakkaat sterk veroordeel het en vra vir die verwydering daarvan, wat dan ook gedoen is.

Op Dinsdag 24 April volg die Inligtingsvergadering met Jan de Wet en Renier Koegelenberg as sprekers. Volgens Hilgard Bell 'n goedkoop

propagandaveldtog ten gunste van die ASB. Tesame hiermee word 'n "stem-nee"-vlugskrif deur Etienne van Heerden, voormalige hoofredakteur van *Die Matie* uitgegee, asook 'n *Asbom* deur die ASVS.

Woensdag 25 April kom as 'n groot verrassing, want die swak bywoning van inligtingsvergaderings ten spyte, ag 42% van alle stemgeregtigde Maties hulself op hoogte van sake genoeg om affiliasie oortuigend te verwerp. 'n Duidelik pro-affiliasie-SR het gefaal en uit voeling met sy studente-unie geblyk te wees.

Die elf-jaar-lange "vastydperk" van Stellenbosch het dus nog nie tot 'n einde gekom nie. Stellenbosch gaan vasbyt en sy ongebonde vryheid behou. Ons kan alleen maar hoop dat dit nie net 'n voortsetting van die politieke eierdansa van die afgelope dekade gaan wees nie, maar dat iets werklik konstruktiefs na vore sal kom — iets soos die veeltalige studente-organisasie waarvan Etienne van Heerden in sy "stem-nee"-vlugskrif melding maak.

Of was dit ook maar net nóg 'n verbeeldingsvlug waarvoor die ywer om ooit praktyk te word, nie bestaan nie.

PIETER VAN NIEKERK

Uitslae

HIER volg die volledige lys van die uitslae van die referendum. Die syfer in die eerste kolom verteenwoordig die persentasie stemme uitgebring teen die wyse van affiliasie; die tweede kolom verteenwoordig die stemme teen individuele affiliasie en die derde syfer is die gemiddelde stem-persentasie.

Crozierhuis	7,6	7,6	15,3
Dagbreek	23,0	37,6	74,3
Eendrag	31,4	41,7	83,4
Helderberg	83,1	83,9	93,5
Helshoogte	57,2	68,2	86,5
Hippokrates	44,6	50,4	59,2
Hombre	29,1	41,6	77,0
Huis Marais	29,8	47,7	100
Huis Visser	47,6	63,0	89,2
Majuba	16,9	33,9	93,9
Simonsberg	68,9	81,0	98,7
Wilgenhof	75,9	81,2	98,4
Erica	28,6	22,9	66,3
Harmonie	27,8	53,1	94,9
Heemstede	44,6	66,6	98,6
Huis Div.	50,5	62,1	87,3
Huis F. van Zyl	18,6	23,3	29,9
Huis Neethling	13,6	41,0	71,2
Huis Ten Bosch	39,8	55,2	84,5
Irene	13,5	27,8	44,9
Lydia	44,5	61,8	78,1
Minerva	23,1	36,2	63,0
Monica	22,1	53,8	99,0
Nemesia	52,0	56,9	71,5
Nerina	56,1	69,1	86,9
Senuria	42,0	56,3	74,7
Sonop	26,9	44,9	74,1

BLOEDINTERVARSITY:

MATIES BLOEI MEER AS U.K.

DIE Maties het die Bloedintervarsity teen die Ikeys gewen. Negehoenderd-sewe-en-sewentig Matieskenkers het altesame 905 pinte bloed geskenk teenoor die 520 Ikeys wat 433 pinte opgelewer het.

Die WP-Bloedtoertapiens het besluit om dit geriefliker en makliker vir

studente te maak. Daar sal in die vervolg 'n tweeweeklikse kliniek in die *Gat* wees. Die eerste kliniek in die LSS was op 23 April. Die kliniek in Stellenbosch is nou in die kerksaal en bedoel vir die algemene publiek. Studente wat die skenkings in die LSS misloop, kan ook bloed daar gaan skenk.

BELLVILLE

Stealers is binnekort hier!

OPEN 3 MEI



Spesiale Openingsaand-aanbod
*KRONENBRÄU Vir pret en plesier
-BIER 1/2-Prys.

* GEEN TOEGANGSFOOI.

- Moet dit nie misloop nie
- * Die puik nuwe klank van CURLA — pas terug van geslaagde toere in Europa en Engeland.
- * Versnaperinge en ligte etes te alle tye, teen billike pryse.
- * Ook volledige a la carte-diens.

Outspan Hotel *TYY Strandweg, Bellville.
Tel: 97-2631/2

**Die Matie**

VRYDAG, 27 APRIL 1979



Kanaal bly oop

DIE ASB-heraffiliëering het, soos voorspel, 'n warm debat op Stellenbosch ontteken. In hierdie dae word *Die Matie* egter daarvan beskuldig dat hy te onpartydig in die hele debat staan.

Dit is 'n ernstige aanklag wat vra dat die koerant se standpunt vir die soveelste keer uitgespel behoort te word.

Die hele kwessie van *Die Matie* se rol as "onpartydige skeidsregter" wat as die kanaal van twee polariserende standpunte moet dien, is al so holrug gery dat die persone wat dit nou nog nie insien nie, gerus op hierdie stadium die studente-politiek moet verlaat.

Ons word gesubsidieer deur die ganse studente-unie en om met 'n vlugskrif-uitgawe propoganda te maak soos deur sekere 'leiers' verwag word, is om die kanaal vir tweerigtingverkeer te verstopt. Dit sou benede die koerant wees. Die aantying, "julle klomp neutrale koerantmanne" is dus onsinnig.

Gee SR eerlike kans

IN die hoofartikel van die vorige uitgawe het ons duidelik laat blyk dat ons nie dink Stellenbosch sal 'n grootskaalse omneswaai binne die ASB veroorsaak nie. Dit wil glad nie sê dat ons SR nie namens ons proefsteke kan doen in 'n poging om Stellenbosch se bedingingsmag in die Suid-Afrikaanse studentepolitiek terug te kry nie.

Die SR moet die kans gegun word om die studente-unie omtrent die saak te toets. Dit is tog immers óns wat 'n mandaat aan die SR gegee het om meer dinamies op te tree.

Die SR se poging tot verbeeldingryke leiding moet hul gegun word — al sou dit impliseer dat hulle outokraties optree. (Dit is immers wat u verlede jaar op die monstervergadering gevra het.)

Met die uitsondering van twee lede het die SR met hulle verkiesing verlede jaar pro-ASB standpunt ingeneem. Hoe kan hulle dan nou van knoeiery of halwe werk beskuldig word? Die studente-unie behoort die kans te kry om NEE te stem.

Al sou ons nie met die SR saamstem nie, durf ons juis daarom hul eerlike, openlike poging tot kreatiewe leiding nie te wantrou nie. Mnr. Jan de Wet was van die begin af openlik met die veldtog. Dat die SR "slinks" was of die student om die bos te probeer lei, soos beweer is, is van alle waarheid ontbloot en word bloot as skietgoed gebruik. Gee die SR die kans om nuwe velde te verken — dit is immers net 'n toets.

Ons durf nie in 'n jammerlike beginselontrouheid verval nie. Moenie begin blaf voor die regtig nodig is nie.

(By die ter perse gaan van hierdie deel van die koerant, was die uitslag van die stemming nog nie bekend nie.)

REDAKSIE 1979

HOOFREDAKTEUR: LOUIS HEYNEMAN, Redaksiekantoor: Langenhoven-sentrum 436 en 438. (Tel. 5979) Christellahof 16, Victoriastraat. Boodskappe: Sekretaresse, Studenteraadskantoor, LSS (Tel. 3702).

ASSISTENT-HOOFREDAKTEUR: KOBUS PIENAAR, Concord 24 (Tel. 2045).

ADVERTENSIE-BESTUURDER: IAN THERON, Silvertrees. (Tel. 2122).

AKTUELE REDAKTEUR: JOHN VAN BREDA, Louwstraat 3. (Tel. 3578).

NUUSREDAKTEUR: JOHAN LÖTTER, Eendrag. (2137).

INTERUNIVERSITÊRE REDAKTEUR: MAARTEN MITTNER, Eendrag. (2136).

SPORTREDAKTEUR: KWARTUS SIEBERHAGEN, Dagbreek. (Tel. 3633).

SOSIALEREDAKTEUR: DEON VAN NIEKERK, Son Vida 205.

KUNSREDAKTEUR: ABEL PIENAAR, Paul Krugerstraat 2.

TAALREDAKTEUR: ANDRIES CALITZ, Die Laan 18.

HOOFFOTOGRAAF: MARIUS GREEFF, Van Riebeeckstraat 40. (Tel. 4349).

SUB-REDAKTEURS, NUUS: ERIKA VAN ROOYEN, Hoflaan 14 en COENRAAD PIETERSE, Eendrag.

SUB-REDAKTEUR, INTERUNIVERSITÊRE: GERHARD BARNARD, Majuba.

SUB-REDAKTEURS, SPORT: ARI OBERHOLZER, Majuba; LE ROI STEENKAMP, Dagbreek.

SUB-REDAKTEUR, KUNS: PAUL CILLIERS, Dagbreek.

NUUSVERSLAGGEWERS: Francois van der Merwe, Ilse de Villiers, Anton Kruger, Pieter van Niekerk, Pieter D. van Niekerk, Bennie Zietsman, Agnes Hager.

INTERUNIVERSITÊRE VERSLAGGEWERS: Johan Swarts, Anton Bruwer, Koos Sieberhagen, A.D. van Niekerk.

SPORTVERSLAGGEWERS: Kobus Basson, J.W. Loubser, J.P. Marais, Anne-Lise Lamont, Nico Roux, C. Eloff, N. Vlok, M. Fourie.

SOSIALE VERSLAGGEWERS: Mariette Streicher, Elbert Uys, Launa Marais, Im Naudé, Deon Roussouw, Michèle Alexander.

KUNSVERSLAGGEWERS: Maria Rautenbach, Morlette Lindsay, Japie Pienaar, Rachelle Greeff, Linda Jacobs, Willem Möller.

FOTOGRAWE: Martin Joubert, Wessie van der Westhuizen, Johan Mey.

SPOTPRENTTEKENAARS: Thomas Tyler, Koos van der Riet.

VERSPREIDERS: Nico Steyn, C.L. van Schalkwyk, Sarel du Plessis.

SEKRETAAR: SANDRA VENTER, Mooi Annie. (Tel. 6523).

uit die studenteraad

LOUIS HEYNEMAN BERIG:

BY 'n haastige vergadering, wat om verskeie redes verlede Woensdagmiddag in die middaguur ingedruk is, wou dit voorkom asof die Studenteraad van vooraf verward en verdeeld was oor veral die stemprosedure in die ASB-referendum. Die vergadering het aanvanklik ietwat chaoties afgesit met 'n klomp gefrustreerde lede wat vergeefs geprobeer het om 'n verdwaalde duif, wat dalk met die olyftakke die SR-vergadersaal binnegedurf het, te probeer vang.

Moet egter vir geen oomblik dink die duif-episode het die res van die vergadering futloos gemaak nie. Dringende mosies oor die skietvoorval by die woning van mnr. Colin Eglin en die Radio Matie-omroepers se skolingseminaar by Goudini getuig hiervan.

ERNSTIGE KOMMER

Mnr. Deon de Kock het 'n mosie ingedien waarin hy sy ernstige kommer uitspreek oor die lafhartige skietvoorval by die woning van mnr. Eglin. Hy het vir 'n positiewe gesindheid en respek teenoor die kritici van die Regering gepleit.

Mnr. Piet Stofberg: "Sekere kritici is beslis my vyande!"

RUGBY

Mnr. Frans Roelofse meen egter dat dit baie sinvoller is om die Matie-eerste-rugbyspan geluk te wens met hul dubbele oorwinnings teen die Tukkië, asook hul sukses in die Toyota-reeks. Ongelukkig was mnr. Tollie Oosthuizen nie op die vergadering teenwoordig nie.

Toe die Raad egter vir die soveelste keer die referendum van eergister bespreek het, het die gemoedelikheid verdwyn en het 'n debat gekenmerk deur onsekerheid opgevlam. Die statistieke,

stempercentasies en wetlike implikasies van die uitslag het selfs "mind dazzling afmetings begin aanneem. Op 'n stadium het 'n mens die indruk gekry dat mnr. Bell glad nie die res van die SR begryp nie en vice versa. Mnr. Renier Koege lenberg, wat hom tot in daardie stadium onttrek het aan die bespreking, het die misnewel vir die eerste keer weggetrek en eers daarna kon sinvolle besprekings plaasvind.

Daar is uiteindelik duidelikheid verkry oor die detail van die stembriefie. Elkeet sou geleentheid hê om vir persoonlike affiliasie te stem, asook afsonderlik om slegs die SR by die ASB te affilieer.

VOORSTE HISTORIKUS GESELS

'BEGRYP DIE HEDE VANUIT DIE VERLEDE'

JOHAN VAN BREDA het met prof. F.A. van Jaarsveld (dekaan van die Dept. van Geskiedenis aan die Universiteit van Pretoria) gaan gesels. Hy word vandag as een van die voorste moderne historici in Suid-Afrika beskou en het nie minder nie as een-en-twintig publikasies die lig laat sien. Hy was onlangs ook prominent in die nuus omdat hy van 'n sekere groep mense sterk teenkanting gekry het oor die standpunt wat hy oor Geloftegedag ingeneem het op 'n internasionale kongres wat Unisa aangebied het. Prof. Van Jaarsveld het Stellenbosch verlede week as 'n gaslektor van die Dept. van Geskiedenis besoek.

Watter relevansie het die bestudering van die geskiedenis vir die moderne mens in 'n tegnokratiese maatskappy?

Dit is van uiterse groot belang. Die geskiedenis wil nie net ter wille van homself bestudeer word nie, maar wil die mens ook na 'n beter self-verstaan van homself lei. Hier is dus 'n eksistensiële aspek by die bestudering van die geskiedenis betrokke wat van fundamentele belang vir die mens se toekomsgerigtheid is.

Daar word dikwels die bewering gemaak dat die moderne mens "geskiedenisloos" geraak het. Maar ek wil die teenoorgestelde beweer: Die moderne mens is selfs meer by die geskiedenis betrokke as die mens van 'n paar eeue gelede. Toe die samelewing nog meer agraries gestruktureerd was, was die geskiedenis "eenvoudiger". Maar met die modernisasie van die samelewing het daar ook 'n gekompliseerdheid met die strukturering daarvan gepaard gegaan. Hier kan mens byvoorbeeld die nuwe politieke verhoudinge noem wat ontstaan het rondom die verstedelingsproses. Indien eie mens dus sy moderne leefmilieu sinvol wil beheer, is dit nie net nodig dat hy sy verlede sal begryp nie, maar dat hy ook die hede vanuit sy verlede sal begryp. Die gekompliseerdheid van die moderne maatskappy rig dus 'n appél op die self-verstaan van die mens om sy eie verlede na te vors.

Watter legitimitêit is daar vir die aanspraak op Goddelike bystand deur die Afrikaner in die gebeure rondom Bloedrivier? Is dit nie uitspraak wat tipies is van 'n sterk nasionalistiese bewussyn nie?

Ek wil veral die laaste opmerking van u sterk bevestig omdat die premisse waarvan ek as historikus uitgaan, my tot so 'n konklusie dwing. Indien jy dergelyke dokumente, wat tydens ander veldslae (soos bv. Waterloo) opgestel is, lees, vind 'n mens dieselfde tipe van uitsprake. Sulke aansprake word spraakgebruik wat aangeneem word in die geestesklimate waarin die mens eksistensiële ontwikkel is. So is dit dan 'n Christen, soos 'n Mohamedaan ook sal doen, se gebruik om 'n oorwinning aan God toe te skryf.

As historikus sit ek nou voor dié geweldige probleem om vanuit al die gebeure, waarvan Bloedrivier één is, tot

konklusies te kom. Ek sou uiters so ver kon gaan om te sê dat daar 'n geweldige sterk *psigologiese* impetus van die Gelofte op die deelnemers van die geveg uitgegaan het. Indien ek as historikus die oorwinnings aan God sou toeskryf, sou ek buite my vakgebied uittree. Dan beweeg ek op die gebied van die teologie. 'n Verdere vraag wat hier van belang is, is indien God by Bloedrivier die oorwinning geskenk het, hoekom het Hy dit nie ook tydens die Anglo-Boeroorlog gegee nie?

Wil u nie asb. meer oor dié herinterpretasie van Geloftegedag uitwei nie en veral t.o.v. die viering daarvan wat vir u onlangs heelwat probleme op die hals gehaal het?

Ek moes op 'n internasionale kongres wat Unisa aangebied het, praat oor die sin van die geskiedenis met spesifieke verwysing na Bloedrivier. Ek het na die oorspronklike dokumente, wat 'n week voor en na die slag opgestel is, gaan kyk. Hieruit blyk dit duidelik dat daar geensins sprake daarvan is dat dié dag "zoals een Zabbat" gevier moet word nie. Hierdie ekstra toevoeging het van Cilliers dertig jaar later op sy sterbed gekom. Hy kon 'n fout gemaak het deur sy wyse van viering daarin te projekteer.


Tot 1952 is Geloftegedag dan ook nie as 'n Sondag gevier nie. Dit is iets wat vir die eerste keer onder die bewind van die Nasionale Party aan die Sondagsweg gebind is. My standpunt kom nou daarop neer dat ons as Afrikaners nie die reg het om al die ander bevolkingsgroepe met dié Sondagswet te verplig om die dag soos 'n Sondag deur te bring nie. Veral ook gesien in die lig van die groot verandering en sensitiviteit wat daar op die gebied van volker-verhoudinge gekom het.

Ek wil dit duidelik stel dat ek nie ten gunste van die totale afskaffing van die Geloftegedag is nie — iets waarvan ek verkeerdlik beskuldig en selfs geteer en veer is. Ons kan die dag nog as 'n *dankdag* vier, maar ons het nie die reg om al die ander bevolkingsgroepe met die Sondagswet aan ons tradisie te verbind nie.

U het dit alreeds duidelik gestel dat sedert 1974 'n groot kentering t.o.v. die kontra-produktiewe uitwerkinge van die apartheidsbeleid onder die Afrikaner plaasgevind het — daar heers nou

MATIE — GESPREEK

JOHN VAN BREDA GESELS MET



PROF. F.A. VAN JAARSVELD

'n sterker gevoel om oor die kleurgrense heen na 'n gemeenskaplike patriotisme te beweeg. Maar watter impak het dieselfde gebeure op die historiese-selbewussyn van die swartman gehad wat van fundamentele belang is vir 'n gemeenskaplike patriotisme?

Dit het ongetwyfeld 'n sterk gevoel van konsolidasie onder die swartman tot gevolg gehad. Veral die gebeurtenis tydens die '76-onluste het vir die swartman die gevoel gegee dat S.A. aan die polariseer is en dat hulle nou aan 'n eenheidsfront moet bou.

Dit is uit die aard van die saak duidelik dat dié 'n uiters gevaarlike plofbaar situasie geskep het wat so gevaarlik as moontlik ontloot moet word. Die Regering het alreeds in dié rigting beweeg deur 'n groter mate van erkenning aan die stedelike swartman te gee met die 99-jaar huurpagsstelsel. Dit is natuurlik positiewe veranderinge, maar daar is nog baie veranderinge wat gemaak sal moet word om aan die swartman te wys dat ons in 'n gemeenskaplike patriotisme belang stel.

INTERVARSITY OP 19 MEI

SATERDAG 19 Mei is 'n datum wat sekerlik met groot afwagting deur Maties dopgehou word. INTERVARSITY! Vir die eerste keer speel hierdie geleentheid hom af op die nuwe Danie Craven-stadion, en as almal die heerlike geesdrif van die voorsitter van die Intervarsitykomitee, Piet Delpport, gaan deel, beloop vanjaar se Intervarsity baie vir almal wat gaan deelneem.

Volgens mnr Delpport word daar vanjaar weer gehou by gebruike wat al tradisie geword het. Hieronder tel die sjampanjenoentjies, die trompoppies, die sing van Gaudiamus Igitur en die onderskeie universiteitsliedere tydens die Intervarsity self.

Nuwighede vanjaar is agt wedstryde tussen koshuise van Stellenbosch en Kaapstad, 'n nuwe snit vir die T-hemde en pette i.p.v. "cheese-cutters".

Wat die sosiale sy van Intervarsity betref, is daar goeie nuus vir die dansers. Die Intervarsitykomitee het besluit om meer ontspanningsgeleenthede

te reël. Daar sal Saterdag na die wedstryd 'n formele dans in die stadssaal wees, 'n dans in die Gat en moontlik nog een in 'n ander lokaal in die LSS.

SING-SONGS

Die Intervarsitykomitee wil dit sterk onder die aandag van die studente bring dat plekke op die sing-song pawiljoene alleen toegeken sal word aan persone wat gereeld die sing-songs bygewoon het. Hou dus ná Dinsdag 8 Mei tyd oop vir die sing-songs, wat waarskynlik in die Gat gehou sal word.

Die Groot Brag vind op Donderdag

17 Mei plaas. By dié geleentheid sal die trompoppies optree en word die sjampanjenoentjie aangewys.

Daar gaan sterk kontrole oor drankmisbruik en die ongeoorloofde besetting van ander mense se sitplekke uitgeoefen word.

"Die Intervarsitykomitee gaan uit sy pad om dit so aangenaam en aantreklik en opwindend as moontlik te maak. Die sukses hang nou af van die studente se deelname. Maak dit dus 'n grootse geleentheid, getrou aan Matietradisie en een waarop oud-Maties trots sal kan wees", het mnr Delpport gesê.

PLANNE VIR MATIETOER BEKEND

Maties 'n week lank by Ski-oord

"'n EUROPESE vakansie wat in almal se smaak sal val". Só beskryf Hans van Dyk, Matietoerorganiseerder vir 1979, die Matietoer wat in Desember vanjaar na Europa gaan.

Hans is verlede kwartaal aangestel om vanjaar se toer te organiseer. Die reëlins vir die toer is in die kort vakansie afgehandel en inskrywings word reeds aanvaar.

Die toergroep, wat 'n weeklange verblyf by 'n ski-oord insluit, vertrek op 29 November en keer op 3 Januarie 1980 terug ná besoeke aan Engeland, Nederland, Duitsland, Oostenryk,

Italië, Switserland en Frankryk.

Die toergroep sal in elke stad of dorp 'n besoek aan die vernaamste besienswaardighede bring. Daarna sal lede die kans hê om of op hul eie te gaan verken, of om op opsionele verdere uitstappies te gaan.

KOSTE

Die toergroep word deurgaans vergesel deur 'n professionele toergids wat ingestel is op die behoeftes en belangstellings van studente. Die toerprys is R1 525 wat alle reiskostes vanaf Jan Smuts-lughawe en verblyf met ontbyt insluit.


TOERBESONDERHEDE

Belangstellendes kan verdere besonderhede kry en inskryf by die SR-kantoor, of by Hans van Dyk, Quarta 9 op die hoek van Victoria- en Bosmanstraat (tel. 70572), of by Matie Geldenhuys, Jet International, Trust Banksentrum, Andringastraat (tel. 71136).

Neem Kennis

AANSOEKE word ingewag vir die poste van **Kunsredakteur** en **Subredakteur**, Kuns asook **Kunsverslaggewer** in die redaksie van *Die Matie*.

Rig aansoeke aan:
Die Redakteur
Die Matie
Langenhovensentrum.
Die sluitingsdatum is Vrydag 4 Mei om 12h00.



Studente aan die stem! Te midde van die honderde plakkate, toesprake en inligtingsvergaderings wat gedurende die afgelope tyd op die kampus gereël is, het slegs 41,98% van die studente hul stem uitgebring.

KLEURE-EKSAMEN

Huis Visser die slimste

HUIS Visser het vanjaar die beste gevaar in die Kleure-eksamen met 'n gemiddelde persentasie van 94,78%. Helshoogte en Hombré was onderskeidelik tweede en derde. Die manskoshuise het die dameskoshuise vanjaar heeltalig uitgestof en die dameskoshuise wat die beste gevaar het, Sonop, was twaalfde.

Eerstejaars wat die eksamen geslaag het, mag eers na die eerste semester universiteitskleure aankoop. Uitsonderings sal egter gemaak word vir toerspanne.		
Aristea	66,8%	
Minerva	64,7%	
Erica	63,8%	
Nerina	63,3%	
Monica	61,0%	
Nemesia	61,3%	
Oude Molen	61,2%	
Huis de Villiers	60,8%	
Harmonie	60,8%	
Aurora	60,8%	
Libertas	60,18%	
Huis ten Bosch	60,0%	
Serruria	54,6%	
Irene	51,3%	
Huis Neethling	46,7%	

UITSLAE

Die volledige uitslae van die Kleure-eksamen is soos volg:

Koshuis	Gemiddelde persentasie
Huis Visser	94,78%
Helshoogte	89,15%
Hombré	86,0%
Wilgenhof	83,4%
Huis Marais	80,5%
Simonsberg	77,89%
Dagbreek	77,2%
Majuba	76,3%
Helderberg	76,1%
Pieke	76,0%
Eendrag	73,8%
Sonop	71,7%
Lydia	71,3%
Heemstede	69,0%

INSAE IN VRAESTELLE

Omdat daar in die verlede 'n mate van agterdog bestaan het oor die kwesie of die vraestelle ooit behoorlik nagesien word, het die Kleurekomitee vanjaar besluit om die vraestelle vir belangstellende eerstejaars by die SR-kantoor beskikbaar te stel op 30 April en 1 Mei.



Die Maties se Vise-Rektor, prof. Mike de Vries (tweede van regs) het hier pas die wenkaartjie in die Karnavalkompetisie getrek. Aan die Vise-Rektor se regterkant is mnr. Albert Foot wat al die reëlins behartig het vir die Karnavalmotorkompetisie. Regs staan die voorsitter van die Karnavalkomitee, mnr. Freddie Human, en links is mnr. Tex Roux, wat gehelp het met die reëlins van die motorkompetisie.

KAPENAAR WEN DATSUN

DIE wenners in die Maties se landwey Karnavalmotorkompetisie is bekend gemaak. Altesaam ses spogpryse en 44 troospryse is toegeken aan die wenkaartjies wat getrek is deur die vise-rektor, prof. Mike de Vries.

Die motorkompetisie is geborg deur Schus Datsun.

EERSTE PRYS

Die eerste prys, 'n Datsun 1600 J (handrat), is gewen deur Mannie Jaffie van Alexanderweg 17, Oranjezicht, Kaapstad.

ANDER PRYSE

'n Inwoner van Lenasia in Transvaal, mnr A.G. Mohamed, het die tweede prys, 'n Datsun 120 Y bakkie ingepalm.

'n Lid van die Weermag, J.M.P. Wessels van 21 Bataljon by die Militêre Basis, in Lenz, is die derde pryswenner. Hy en nog 'n persoon het die keuse om 'n langnaweek in enige hotel in Suid-

Afrika te gaan deurbring.

Die wenner van die vierde prys is F.L.J. van Rensburg van Wesselsbron, wat 'n draagbare TV-stel met 'n lisensie vir 1979, ryker is.

Die Vyfde prys, 'n luukse hoëtroustel, is gewen deur M. van Zyl van Pretoria, en die sesde prys, 'n motorradio, gaan aan mnr J.A. van Tonder van Carnarvon.

Kaartjies in die Maties se jaarlikse Karnavalkompetisie is sedert November verlede jaar landswyd verkoop. Die Karnavalopbrengs vir 1979 het 'n rekordbedrag van R141 000 beloop.

Die wenners van die 44 troospryse sal mettertyd in kennis gestel word van hul pryse. Onder dié pryse is lessenaars, reistasse en sigaretaanstekers.

PIZZALAND

Beste Pizzas
Beste Diens



en by Voortrekkerweg 143, Parow sal studente 'n 10% afslag ontvang as hul 'n studentekaart toon.

OOP 7 DAE PER WEEK
VANAF 9 VM TOT MIDDERNAG
Tel. 92-8318

perspektiewe en dinge

HET u al opgemerk hoe stuurs en stug ons geword het in ons daaglikse lewe? Het u al die samelewing van buite af (indien dit enigens moontlik is) betrag en gesien dat dit eintlik ontplof van dooierigheid? Weet u waarom dit is? Laat Siener Pienaar weer sy mening lig.

Met die ontwikkeling van die moderne wêreld en die natuurlike bestaansintriges van die mens, word alles wat spontaan is deur reëls en regulasies doodgedruk. Ek is nie vandag van plan om 'n lang relaas af te steek oor die reëls en regulasies van saambestaan nie, dit sal weer eens die gees van ons papiergeselsie demp.

SKOOLDAE

Van skooldae af al leer ons om netjies in 'n ry te staan, tasse in die linkerhand; om nie te gesels nie (anders word jou naam opgeskryf); en om op te staan as die meneer instap. Dit word gegooi oor die boeg van dissipline – dissipline wat die mens se sosiale omgang met ander heeltemal onverwerp, of sal ek sê, amper vernietig.

Geen wonder nie, dat spontane optrede, soos 'n strooptog op dameskoshuise, gewoonlik in 'n katastrofe eindig. Ons is nie gewoond om sulke dinge te doen nie; as ons 'n slag die geleentheid gegun word, maak ons misbruik daarvan. Die gevolg hiervan is dat ons eenvoudig verder verstrengeel raak in die netwerk van reëls en regulasies (ek wil darem nie die Poppie Nongena-woord *strukturele geweld* in dié verband gebruik nie).

Dames word beskerm deur *aandklokkeëls* en word (soos 'n brief in die vorige uitgawe van *Die Matie* dit stel) produkte van stremmende maatreëls. Saans na elf, is joltyd oor en die meisies word soos speelgoed veilig op die koshuisrakke teruggeplaas. Ons aanvaar maar hierdie dingetjies ter wille van dissipline en ordelikheid in die

samelewing, maar besef min dat dit alles daartoe bydrae om die samelewingsgees te demp.

As studente 'n slag iets wil reël wat die lewenspatroon van andere perdalks ietwat omver gaan werp, word hul gestuit in hul optrede. Onortodoksheid word eenvoudig nie geduld nie – spoortrap bly steeds die wagwoord. Ek dink byvoorbeeld aan die keer toe Libertas van Pretoria na Kaapstad gearhardloop het – by Stellenbosch aangekom, moes die sewentien drawwers, soos helde, hul tuisdorp met Kombi's

kobus pienaar

binne ry. Die verkeersdepartement het besluit dat die verkeer rondom piektyd te druk sou wees om die straat vir enige ander doel te gebruik. Dink net aan die lekker reklame wat mens vir Karnaval sou maak indien 'n verkeerskonfytjie of twee ontstaan het. Reëls en regulasies het dit egter verbied.

GEEN STOPSTRAAT

Mens wil nie altyd 'n vergelyking tref met dit wat in Europa aan die gang is nie. In die groot stad van Parys is daar nie 'n enkele stopstraat nie – mense leer eenvoudig om versigtig te bestuur. Te midde van die feit dat daar seker drie keer so veel motors in omloop is, is ernstige ongelukke 'n rareiteit. Stellenbosch met sy honderde rooi stoptekens, geelstrepe en parkeer-bordjies het baie meer probleme as die

hoofstad van Frankryk – om nie eers te praat van die slakke pas waarop mens dikwels in 'n sogenaamde verkeersknoep hier op die dorp voortbeveeg nie.

Mens word dikwels van Pompies na Piet gestuur, net om binne die kanale van die samelewing te bly. Op die ou end bly jy net waar jy is. Dit lei tot frustrasie wat veroorsaak dat jy oorreeger en jouself dan, as gevolg van jou optrede, nogmaals in 'n verdere stel van reëls en regulasies bevind.

Watter hemel op aarde het Adam en Eva nie gehad nie – daar was net een reël wat hul moontlik kon oortree.

SLAWE VAN UITVINDSELS

Nou die dag stap die rubriekskrywer toe mos oor een van daardie nuwe grasperke wat die universiteit se tuiniers verlede jaar hier op die kampus kom ooprol het. Die feit dat daar van tyd tot tyd grassnyers oor hulle loop, is darem 'n aanduiding dat dit dalk eg kan wees. Terwyl hy ewe niksvermoedend en voldaan met die wêreld om hom probeer om so veel as moontlik van die vars oggendlug in te adem, word hy skielik oorval deur 'n bende sprinkelbesproeiërs (nogal netjies gekamoefleer tussen die gras – kompleet soos terroriste). Druipnat, boeke en al, haal hy die naaste blombeddinkie. Vir die res van die dag moes hy met modderskoene rondloop.

Dit is tog snaaks hoe die mens in sy ingenieursvernuif en tegnologiese kennis homself in 'n situasie kan bevind waar hy moet buig voor sy eie uitvindsele.

DIE EWIGE TELEFOON

Kom ons kyk bietjie na vandag se kommunikasiemedia: die televisie mors ons tyd, die radio blêr heeldag in ons ore en die telefoon frustrer ons. Die telefoon is natuurlik 'n wonderlike uitvindsel, wat die lewe vir mens oneindig makliker kan maak. Op Stellenbosch kan dit egter groot hoofbrekens veroorsaak. Dink maar aan die armalige eerstejaars wat hul aande by die gehoorbuis moet omsit om te sorg dat die res van die koshuis kontak behou met die buitewêreld. Dink maar aan die elle lange telefoontoue rondom negeuur. Geduld is al wat hier tel.

Gewoonlik werk die helfte van hierdie wonderlike uitvindsele nooit nie. So nie, sluk dit mens se vyfsteen. Ek wil nie eers praat van die besetton wat so 'n wrang klank in jou oor veroorsaak nie. Die mens swig weer eens voor sy eie tegnologiese.

Die rubriekskrywer is dikwels in Kaapstad om aan *Die Matie* te werk. 'n Tyd gelede besluit die hysbak by die drukkers toe mos om te gaan staan – glo weens oorlaaiing. Gelukkig was hy nie self daarin nie. Toe hy 'n uur later daar weg is, moes hy, terwyl hy die vier stelle trappe na benede *afswaeg*, steeds luister na die kermende klomp binne die vier mure, vloer en plafon van die hyser. Die stuk of vyftien in die skag is 'n klassieke voorbeeld van die mens as gevangene van sy eie skeppings.

Ek vind dit net ironies dat ons soms, in 'n poging om die lewe vir onself te vergemaklik, net mooi die teenoorgestelde resultaat verkry.

AFSPRAAK BY OOGARTS

Die rubriekskrywer sien toe mos die ander dag 'n geel poster raak. So op 'n afstand lees hy toe: *STEM ASB*. Omdat hy altyd probeer om objektief te wees, staan hy toe nader (so 'n meter van die plakkaat af) en lees toe weer. Tot sy verbasing moes hy toe die fyndruk tussen die belaaide woorde raaksien. Vir diegene wat dit nie opgemerk het nie: na die woord *stem*, staan daar *oor* en na *ASB* volg *vir*.

Sommige van ons sal regtig ons oë moet laat toets om tussen die lyne te kan lees.

Pieter Marais

Ou Wyn in Nuwe Vate . . .



Foto: Albert Geldenhuys

IS jy besig? Jou program ook vol? Verpligte klasse, akademie, Libertas, Coetzenburg, hartsake, noodsaaklike geselsies (oor 'n beker koffie), toetse, ASB, CSV – noem maar op. Ja ons dra swaar aan al ons verpligtinge en baie verantwoordelikhede. Besige mense.

Soms oorskakel ons ons eie krag. Ons vertrou op eie vlees, ons vergeet van God (onbewustelik?) asof ons sonder sy genade die pad kan loop. Hierdie waan kan net gebreek word as Hy ons proefondervindelik laat ervaar hoe *broos* ons werklik is. Selfs Dawid het in sy sorgeloosheid gesê: "Ek sal nie wankel nie" (Ps. 30:7). Leef jy werklik elke oomblik *van en uit* God? Onthou die Here het die lot van Job verander nadat hy sy skuld bely en vir sy vriende gebid het. Hou op dra aan jou eie kruis.

CALLIE VISAGIE

The other side of the mountain (16)

*Cuddle cuddle little bottle, toddle toddle little pint;
Many a drink have I drunk, many a Shaft have I sunk;
I'll drown in my sorrows, I'll drown in my drink
And bugger anyone who tells me to think.*

COOLING his heels in the local prison cell, Sisyphus composed these memorable lines. As you all know, our Sissy is no ordinary jail-bird, so how on earth did he come to be there? Let me explain. It was a dark and dark night with much mischief abroad (what with sozzled students pretending sober sojourns on oh! so innocent ladies residences) when the police decided to prove the not-so-empty streets by nights in fast but rather noisy cattle wagons. Then, horror upon horrors! They find our hero, who, in his natural gay state, is playing hop-scotch in the middle of the road. Mistakenly thinking that this frivolity is a sign of artificial inspiration they arrest him in the middle of a leap. No questions asked, and whopsee-daisy, he is bundled into the van. End of story.

Things have changed, though. The events cited above took place in the good old days. (If they had happened now, Sisyphus would have been expelled, and our *demi-monde* would have been deprived the esoteric delights of this column.) Without being melodramatic, let me just say this: it was a time when streaking was an everyday event rather than a happening in the Art Department's Open Week, when the Simon van der Stel Feast meant all-day, all-night boozing to oompah music in a beer hall, instead of insipid sipping of limited quantities of wine within a limited space of time. It was a time when besides the old Twelve Apostles, there were luscious lasses who called themselves the twelve apostles; finally it was a time when a distinction was made between "pret" and vandalism. Even Sisyphus has been affected by this malady of the times, and instead of doing mischief, he is now reduced to writing mischief.

Perhaps Sisyphus is being sentimental, though. After all, isn't our Carnival, which really marks the height of our social season, pretty much the same as it has always been? We still have the week in which Rag queens are chosen, "sokkies" and dances held virtually every night, and, of course, where the floats are built. There are subtle differences however. The voices that complain about the "onsedelike bewegings van die manlike drompoppies" and "drankmisbruik" seem to be getting stronger and stronger. There is now a committee (the typical bureaucratic response) whose task it is to investigate this latter "problem", and there is even talk of scrapping the folk festival. People don't seem to realize how watered down our present folk evening already is. Where are the mad dog nights of open air festivals such as were held in the past at Vergenoeg and below Papagaaiberg? Judging by the number of people that were present and who enjoyed themselves, these folk festivals were a great success. This fact does not seem to have entered the minds of those who regard themselves as guardians of our values. They continually fret about our "beeld na buite", which in their eyes should be a uniform one in which we all wear the colours of a Christian creche. Now Sisyphus himself is not a lover of big open air gatherings such as folk festivals, but he doesn't condemn those who are. After all, it takes all types to make a community, and it's a matter of taste to which type one belongs. Sisyphus seeks his comfort in smooth silk sheets but who is he to criticise those who prefer the pleasures to be found in dirty sleeping bags?

What about "drankmisbruik"? There are so many fallacies about the consumption of liquor it's difficult to know where to begin. How about the

Continued on p. 12

Muggies in die Neus

DIT is Woensdagaand 19h30. Die vergadering word geborg deur PDP-Grondboontjie Bpk. Groot wit eetborde vol grondboontjies word voortdurend heen en weer gestoot. Die voorklikker slaan die situasie met afguns gade want hy praat byna heel aand alleen en kry nie kans vir kou nie.

Die sewe gelukkige wenners van Tos Tosch se kompetisie sit verveeld in die hoek. Twee verbleekte stukke lapwerk van 1975 se Afrikaanse Taalfees versier die vertrek. Die dennehouttafels vorm 'n perfekte vierkant op die kunshaartapyt. Dertien SR-lede en 'n verslaggewer van Die Apatie is onordelik daarom gerangskik.

Piet Potlood is vanaand 'n dromer en gevolglik droom hy: "Meneer die voorklikker, ek verskil," waag een van die SR-lede dit. Skok. Niemand kou meer nie. Die lid verkleur. (Die sekretaris skryf die geskiedkundige feit neer: 'n Lid het verskil.)

Nou is die gort gaar. Hier en daar kry iemand 'n laaste boontjie. Die tonge word getrek en flits vlymskerp in die neonlig. Die voorsitter openbaar 'n behendigheid wat Zorro sou beïndruk.

Ook die gelukkige pryswenners het toegetree. Colin Liber, met sy ingevoerde tong in die linkerhand, pyl met instinktiewe haat af op N.P. Burger, voormalige voorsitter van die tradisionele regering se studentetak op hierdie denkende kampus. N.P. Burger gelaai met statistieke en onoorspronklike politieke sinsnedes beweeg 'n bietjie moeilik. Colin Liber het sy huiswerk goed gedoen en het met verrassende voetwerk 'n paar goeie stekke ingekry. N.P. Burger gryp 'n paar stukkie van 'n dagblad en prop dit in sy eie wonde.

Richelieu Craven en Hennie Thom is saamgesnoer in 'n onverwagte vennootskap. Hulle veg rug aan rug, hul enigste gemeenskaplike punt. Hennie se teenstander is sonder toeval die lid vir publikasies en laasgenoemde se tong is goed geslyp by die ossewa se meulsteen. Maar juis hier lê die probleem.

In sy ywerigheid as leerling het hy die meulsteen saamgeneem en dié hang nou nog om sy nek. Dit beperk sy bewegings, maar verskaf definiteief gewig. Hennie kry 'n kans vir 'n swaaihou en sny die tou morsaf sodat die meulsteen op sy toon val. Hennie krimp ineen van pyn en net toe steek die lid vir publikasies reguit en tref Richelieu Craven in die rug.

Dit maak Richelieu kwaad. Om meer presies te wees – hy is briesend. Hy en die lid vermoeid deur sport was besig met vinnige, dom wisseling van onbenuiligthede. Richelieu gryp die lid se tong en knoop dit behendig aan dié van die lid vir publikasies. Dan stoot hy hulle 'n entjie weg van mekaar en doen 'n vinnige paar optreke om die bisepe te vergroot. Die twee genoemde lede is na dié kragdadigheid effens sonder veglus, maar skop tog nog uit selfrespek teen die prikkels waar hulle verslae oor 1948 se SR-foto gedrapeer is.

Jan Unus hef met verbasende voor gevoel sy boublokkies saambring. Hy en die sekretaris het gou-gou die tonge gebêre en speel nou met groot konsentrasie met Jan se boublokkies. Jan Unus gaan sommer nog 'n groot leier word. Toe die ander mense heelwat later poot-uit rondlê, het Jan en die sekretaris die pragtigste lugkasteel gebou.

Teen elfuur klim almal moeg die trappe af die donkerde in.

HEYMANS BEDANK —

DISPUUT OOR ASB-STUK

MNR Chris Heymans het bedank as redigeerder van die ASB-inligtingstuk wat voor die referendum op 25 April 1979 deur die SR gepubliseer is. In sy bedankingsbrief bevestigte hy die integriteit van die betrokke uitgawe.

Mnr Heymans se brief het soos volg gelui: "Hiermee dien ek my bedanking in as redigeerder van die ASB-inligtingstuk op grond van gewetensbesware teen wat myns insiens 'n poging van die Studenteraad is om die fondse van die studente-unie vir 'n sekere standpunt aan te wend. Ek was bereid om 'n objektiewe publikasie uit te bring; nie een wat 'n sekere standpunt dien en indoktrinasie-potensiaal het nie."

Volgens mnr. Heymans het hy aanvanklik voorgestel dat die inligtingstuk bestaan uit uittreksels uit die grondwet en feitelike informasie oor strukturele veranderinge in die ASB, asook 'n pro- en 'n anti-ASB standpunt. Laasgenoemde sou 'n poging wees om deur middel van twee opponerende subjektiewe standpunte die leser die geleentheid te gee tot 'n objektiewe meningsvorming. Hierdie voorstel is deur die Publikasiekomitee verwerp.

Mnr Piet Stofberg het aangevoer dat die primêre doel van die publikasie is om inligting te voorsien en nie om 'n debat oor die ASB te stimuleer nie. Mnr Stofberg het egter teenoor mnr Heymans bevestig dat hy sy standpunt insien. Hy sou ook daarvan werk maak deur van dieselfde basis as mnr Heymans gebruik te maak.

Die SR moes ook oor die implimentering van die inligtingstuk besluit. 'n Voorstel is aanvaar dat die stuk saamgestel sal word uit: uittreksels uit die grondwet, die bevindinge van die Komitee vir Politieke Studies en 'n voorwoord deur mnr Jan de Wet, die SR-voorsitter. Die voorwoord moes die doel van en die motivering agter die referendum duidelik omlin.

Mnr de Wet se voorwoord het gesentreer om die redes waarom die SR

dink dat Stellenbosch na die ASB moet terugkeer. Mnr Heymans het hierteen beswaar gemaak, omdat so 'n eensydige skrywe na sy mening indoktrinasie-potensiaal het. Mnr De Wet het hierop geantwoord dat die SR leiding moet gee in die aangeleentheid. Die dispuut is na mnr Stofberg verwys vir uitsluiting. Hy was van mening dat mnr De Wet binne sy opdrag beweeg het. Sy skrywe weerspieël ook die sienings van die meerderheid van die SR. Dit is nie subjektief nie, maar verteenwoordigend van die studente-unie.

Mnr Heymans het daarop gewys dat die publikasie gefinansier word deur die studente-unie. Daar bestaan ook 'n ander standpunt in die studente-unie wat verteenwoordigend in die inligtingstuk verdien. Mnr. Stofberg het geantwoord dat die SR sy rol vervul met geld wat deur Administrasie aan hom toegeken word, Die koste van die inligtingstuk bedra R196.

ONBILLIK

Mnr Heymans het gesê dat die SR nie 'n pro-ASB-mandaat van die studente-unie gekry het nie. Dit sou onbillik wees om slegs 'n pro-ASB standpunt te verkondig in soverre dit die demokratiese proses in gevaar stel. Mnr Stofberg het geantwoord dat 'n referendum juis om eersgenoemde rede gehou word, maar dat daarop gelet moet word dat daar geen anti-ASB-standpunt in die SR bestaan nie. Hierop het mnr. Heymans bedank as redigeerder van die inligtingstuk.

Ten tye van 'n onderhoud met Mnr Heymans, het hy onderskei tussen leiding en aan-die-neus-rondleiers van die studente-unie deur die SR.

Continued from page 10

amount it takes to get a person "drunk"? Sisyphus giggles. He remembers his friends being hauled over the coals for some act of intoxication. A big bald bully from Admin leers over Jones and menaces: "How many drinks did you have, Jones?"

"Two, sir." (The standard reply)

"And you, van der Merwe?"

"Two, sir."

"You both realize, of course, that two is just too much." What a hoot! Two is hardly a toot. I wonder what he'd say if he knew that a bottle of wine would have little effect on Sisyphus besides making him slightly mellow and ever so subtle.

So much for the lighter side of drinking. Suddenly a young girl lies dead on the road, and a student is arrested for drunken driving. We aren't smiling anymore. Sisyphus himself remembers two particularly revolting incidents during Intervarsity. At Tollies he remembers the vicious beer bottle fight, while across the road at the Dros he clearly recalls a student deliberately jumping from a wall and crushing a rose tree. Such behaviour is inexcusable. But it is a simple-minded reaction to blame it all on drink, or to take the attitude that all people are capable of acting like this when they are under the influence of alcohol. It is no coincidence that acts of vandalism take place when a large number of people are together. It is true that drink can aggravate a condition of mass hysteria, but it does not cause it. Furthermore there are people who after drinking a great deal, do not become aggressive or lose complete control over themselves. What Sisyphus is asking is that we do not wear blinkers when looking at a problem of this sort. If the girls in res are drinking themselves silly on the quiet, it is childish to then go and threaten expulsion for bringing liquor onto the premises. Who knows, perhaps they are frustrated and drink is an outlet for their frustrations.

JOHN McCALLUM

INTEKENENVORM

Ek sal graag wil inteken op *Die Matie* in 1979

Naam

Adres

(Stuur inskrywingsvorm tesame met 'n tjek/posorder vir R3 aan: Die Redakteur, *Die Matie*, Langenhoven-sentrum, Stellenbosch, 7600.)



Deelnemers aan die SAAK-vergadering Maandagaand. V.l.n.r. sit Hilgard Bell en Ilse Treurnicht, wat sprekers was en Chris Heymans wat as voorsitter van die vergadering opgetree het.

Gesprek Oortref Stootskraper

KOORNHOF TOON INSIG

Studiestuk van 'n lid van die Komitee vir Politieke Studies

KKRUISPAD het sy ontstaan in 1975 gehad, toe 'n groep Swartmense, wat op daardie stadium Kleurling-plakkerskampe gewoon het, deur beampptes van die Kaapse Afdelingsraad, aan wie die groep behoort, tydelik daarheen verwys is. Meer en meer gesinne het hulle sedertdien daagliks in die gebied gevestig.

Volgens my is daar twee hoofredes vir hierdie toenemende Swart plakkers. Die een is dat getroude manlike tuislandswartes, wat as kontrakwerkers in Wes-Kaapland werk, onmoontlik sonder hulle gesinne in die beknoppe enkelwoukwartiere in die swart woongebiede kon leef. Om totale gesinsverbrokkeling te voorkom, moes hulle gevolglik of na die tuisland terugkeer en moontlike werkloosheid in die gesig

staan, of hulle gesinne onwettig hierheen bring. Vir enige mens, glo ek, sou laasgenoemde uitweg die meer aantreklike en vaarbare een wees.

Die ander rede is die onvoldoende ekonomies lewensvatbare werksomstandighede in die tuislande. Solank swartes oor 'n bestaansmoontlikheid in die tuislande twyfel, kan hulle tog nie verkwalik word as hulle deur 'n aanvraag na werkers elders, aangetrek

word nie. Die sekerheid van 'n vaste leefbare verdienste is tog meer belangrik as 'n mens se spesifieke gebondenheid aan sy gemeenskap en sy gebied veral as dit gaan om sy voortbestaan. Mettertyd het Kruispad al hoe meer die vorm van 'n permanente woonbuurt begin aanneem en dit het gevolglik hoe moeiliker geword om dit sonder meer op te ruim. Na die platstoot van die plakkerskampe by Modderdamweg Werkgenot en Unibel is daar gevrees dat die Regering opdrag sou gee om dieselfde met Kruispad te doen. Op hierdie kritieke tydstip het Dr. Piet Koornhof die nuwe Minister van Plurale Betrekkinge en Ontwikkeling geword en 'n totaal nuwe benadering ten opsigte van hierdie uiters delikate probleem geopenbaar. Dit is verbyggaend dat Min. Koornhof besef het dat 'n stootskraper nie die plakker-probleem sal oplos nie, maar veel eerder 'n gesprek met, en begrip vir die probleem van die Swartes van Kruispad.

KONSOLIDASIE

Begrip en gesprek is ongelukkig slegs die beginfase in die proses van oplossing. Daadwerklike en konkrete stappe deur die Regering is nodig om nie net voldoende en behoorlike huisvesting vir die stedelike swartman te skikbaar te stel nie, maar ook om as 'n saak van dringendheid werk te maak van die beoogde konsolidasie van die tuislande.

DEON DE KOCK



Debbie Blair, bekende Matie en lid van die Bolandse Netbalspan het Saterdag 'n besondere prestasie behaal deur gedugte teenstanders te klop en is as die Charlie Supersportvrou van die WP aangewys. Sy sal oor 'n paar weke die WP op 'n nasionale kompetisie verteenwoordig. Hier is sy besig om oor 'n tou te spring — een van die fiksheidstoetses van die kompetisie.

Neem Kennis

Die volgende SAAK-vergadering vind plaas op Woensdag 9 Mei. Prof. Piet Cilliers van die Dept. Joernalistiek op Stellenbosch sal saam met mnr. Humphrey Tyler, redakteur van die *Week-end Argus*, optree.

Die onderwerp van die bespreking is *Persvryheid*. 'n Verdere vergadering sal ook toegesprek word deur mnr. David Curry, bekende Kleurlingleier. Dit sal op Woensdag 9 Mei plaasvind.

SR KAN BAIE LEER BY ANDER KAMPUSSE

DEUR RENIER KOEGELBERG

Funksioneer die SR administratief effektief?

DIT is 'n vraag wat myns insiens met goeie reg gevra kan word. Met die besoek van die SR aan die noordelike kampusse het dit weer eens geblyk dat Stellenbosch op sekere gebiede steeds toonaangewend is. Hier dink ek veral aan ons bereidwilligheid om politieke te besin. Tog was dit aan die ander kant net so duidelik dat ons ook heelwat kan leer by ander kampusse. Dit geld veral ten opsigte van ons administrasie en portefeuljehantering.


Dit is in die lig van bogenoemde dat die SR 'n ad hoc kommissie aangewys het om ondersoek in te stel na die moontlikheid om ons eie stelsel so te herstruktureer dat dit meer effektief funksioneer. Volgens my is ons huidige stelsel definitief nie die mees doeltreffende een vir ons behoeftes nie. Dit het myns insiens bygedra tot die krisis wat rondom die Studenteraad

beste kan lewer as sy aandag so verdeel is nie.

In die lig van hierdie paar voorbeelde is dit dus duidelik dat daar by ons stelsel ruimte vir verbetering is. Daarom sal ek my beywer vir 'n stelsel wat meer by ons behoeftes pas. Dan sou ek die volgende voorstelle wou maak. Die SR moet in die eerste plek so vergroot word dat die lede minder portefeuljes, verkieslik een, het. Volgens die grootte van ons studente-unie behoort ons SR tot ten minste sewentien lede vergroot te word.

Verder dink ek ook dat ons baie baat daarby kan vind indien ons 'n beperkte getal verskande portefeuljes skep. Dit sal beteken dat persone dan spesifiek vir hierdie portefeuljes in 'n verkiesing kan staan.

Hier sal dan bepalinge geformuleer moet word wat sal verseker dat die mees bewaarde persoon vir die bepaalde portefeuljes verkies sal word. Aan die ander kant moet daar ook 'n minimum grens gestel word ten opsigte van die aantal stemme op grond waarvan so 'n persoon verkies kan word.



van die vorige termyn ontstaan het. Dit is ook so dat die Studenteraad baie van sy aansien verloor het vanweë sy afgewarterde rol wat hy binne die huidige stelsel speel.

VOORBEELDE

Dit kan ek baie maklik met die volgende voorbeelde illustreer. Die Studenteraad het tans geen effektiewe inspraak in koshuisaangeleenthede nie. Die skakeling met die Primarië- en Primarië-komitee het in ons huidige stelsel al dikwels skipbreuk gely. Dit was hoofsaaklik die gevolg van 'n onbevredigende skakelingsmeganisme.

SR-LID WORD BODE

Nog 'n voorbeeld van oneffektiewe administrasie is die huidige skakeling tussen die Karnavalkomitee en die Studenteraad. Die Karnavalkomitee is een van die belangrikste komitees op die kampus. Op die oomblik is die SR-lid wat met Karnaval belas is, niks meer as 'n bode wat tussen die Karnavalkomitee en die studenteraad boodskappe vervoer nie.

'n Verdere voorbeeld van lompe administrasie is die feit dat die meeste SR-iede twee of drie portefeuljes moet behartig. Dit is logies dat 'n lid nie sy


MENINGS-AKTUEEL

Ek dink veral aan die verskande portefeuljes vir die Primarië- en Primarië-komitee. Indien ons kan verseker dat die voorsitter en voorsitster van hierdie komitees in die SR dien, sal dit 'n geweldige bate vir die studente-unie wees.

Verder dink ek dat die Karnavalvoorsitter ook in die SR behoort te dien. Vanweë die groot verantwoordelikheid wat op hierdie komitee rus, is dit vir my 'n uitgemaakte saak dat die voorsitter in die SR behoort te dien.

Nog 'n ander moontlikheid is dat US-Gesprek ook 'n verskande portefeulje kry. Vanweë die omvang van hierdie portefeulje vereis dit dat die voorsitter wel vorige ondervinding op die komitee gehad het.

Samevattend kan ek dus net sê dat 'n stelsel nooit 'n waarborg sal wees vir verbeeldingryke SR-optrede nie. Aan die ander kant is dit egter ook so dat 'n swak stelsel verbeeldingryke optrede kan belemmer. Dit is op die oomblik by ons die geval.



SIELKUNDIG ABNORMAAL?

DAAR is reeds deur en deur bewys dat die oorgrote meerderheid van voorgraadse sielkundestudente van Stellenbosch gebuk gaan onder "bepaalde sielkundige probleme" wat skynbaar enige in sy soort is.

Omdat hierdie probleme vir die student wat erns maak met sy sielkunde verreikende gevolge het, is dit nodig om te weet wat hierdie groot probleem

is. En dit is: Die sielkundestudent vind dit moeilik om die teorie wat hy via handboeke en lesings kry, effektief toe te pas in die praktyk van elke dag.

PROBEER HELP

Die behandeling van hierdie probleem? Die Sielkunde-vereniging probeer geleenthede skep om die vak meer prakties te maak. So word daar vanjaar uitstappies na sielkundige inrigtings (bv. Stikland, Valkenburg) onderneem,

'n simposium later vanjaar gehou en byna elke tweede week 'n etensydfilm oor allerhande sielkundige aspekte wat aansluit by die klaswerk gewys, bv. films soos *Just a Ripple on the Surface*, (epilepsie), *The Troubled Mind*, *Booked for Safekeeping*, (Kriminele Sielkundige Gevalle), *Handling Marital Conflicts*.

'n Uitnodiging word aan alle studente (maar veral sielkundestudente) gerig om vanjaar mee te doen aan die aktiwiteite.



Die sielkunde-komitee bestaan uit: V.l.n.r. Lourens van Wyk, Gerhard Steenkamp, Jill Armstrong (voorsitster), Malan du Toit, Shawn Clunie, David Muller en Belinda Heyns (onder-voorsitster).

DEVON VALLEY HOTEL

★ ★ TYYY

STELLENBOSCH TEL. 3814

A LA CARTE RESTAURANT
DAMES SE KROEG.
TEN VOLLE GELISENSIEERD
ALLE KAMERS MET PRIVATE
BADKAMERS, RADIOS, TELEFONE.



NATUURLIKE UITSIG VAN HOTELSTOEP.
EET EN DANS ELKE SATERDAG MET
DIE ORKES VAN JOHAN STEMMET.
KLAVIER-, ORREL- EN KITAARMUSIEK

HAUM

Die student se boekwinkel

Trustbankgebou
Andringastraat
Stellenbosch
7600

Posbus 343

TEL.
4440
2906

Tikwerk vir Studente!

Privaat tikwerk teen billike pryse! Vir verdere besonderhede, kontak Sandra Venter by 6523 of Huis ten Bosch Annex, H.v. Bosman en Victoriastraat.

Cobwebs

Dorpstraat 145

LEWENDIG
BYDERWETS
GOEIE SMAAK

Juweliersware, glasware, kerse, Liebermann- en Lesotho-erdewerk, maandjies en grasmatte, kaftans, leerwerk, beursies, syserpe en sjaals. DRUKKERSLAAIE en alles om hulle vol te pak. VINOTIQUE met glase, wyn-rakke, boeke, kurk-trekkers, vaatjies, wyn kraffies.


Ons maak ook gaatjies in die ore

Ellende

ELSENBURG VERSLAAN

DAPPER
SIMONSBERG

BESERINGS ONTWRIG SPEL



Toemaar ou maat, kyk net hoe lank het Doc uitgehou!

IN 'n wedstryd op Elsenburg, het die tuisspan daarin geslaag om Simon oortuigend met 28-0 te verslaan. Binne die eerste paar minute het Elsenburg reeds 6-0 voorgeloop na 'n drie deur skrumskakel Frost wat deur Marx (losskakel) gedoel is.

Elsenburg se swaarder voorspelers het toe reeds die grondslag begin lê wat die verloop van die wedstryd sou bepaal. 'n Belowende beweging van Simon se agterlyn het kort daarna skipbreuk gely toe Venter (vleuel) beseer word en die veld moes verlaat. Simon het verwoed aangeval, maar die verdediging was rotsvas.

Simon se tweede reserwe word 'n paar minute later ingespan nadat Rob Turner (skrumskakel) die veld moes verlaat. Elsenburg se agsteman, Muller, druk 'n oorstoot-drie, Marx doel, en die rustydelling is 12-0. Kort na rustyd verlaat Simon se voorryman, Thys v.d. Merwe, die veld tydelik, en Badenhorst (flank), druk na 'n lynstaan op Simon se doellyn. Telling 16-0.

TWEEDE

Frost druk sy tweede drie na 'n skitterende lopie van ongeveer 60 meter. Marx doel: 22-0. Bartie (flank) druk nadat hy 'n skop van Barry Pienaar, losskakel van Simonsberg, afstorm. Marx doel: 28-0.

Aan Simon se kant het Olivier Muller (haker), Slingel Mathee (flank) en Buxman (agsteman), baie hard probeer. Onder die agterspelers het veral Eugene Siepker (vleuel) beïndruk met die wyse waarop hy werk gesoek en verdedig het.

Barry Pienaar, met 'n paar mooi breek slae, en Donald Brown wat Turner vervang het, het verdienstelik vertoon onder moeilike omstandighede.

Elsenburg se voorspelers het almal baie hard gespeel. Bartie (flank) kan hier uitgesonder word. Frost (skrumskakel) en die twee senters, Rabie en Sendin, het op aanval en verdediging uitgeblink.

OUDE
MOLEN
WEN
H. MARAIS

In 'n wedstryd waarin beide spanne aanvanklik teen traë tempo begin het en gesukkel het met balbeheer, het Oude Molen daarin geslaag om Huis Marais met 4-0 te klop. Alhoewel 'n sterk winthanting van die bal bemoeilik het, kon die spanne egter baie bewegings nie afrond nie omdat die bal telkens verloor of aangeslaan is. Aanvanklik was daar weinig sprake van samespel, maar namate die wedstryd gevorder het, het die agterspelers mekaar beter aangevoel en die tempo van die spel versnel.

RUSSEL

In die eerste helfte het Huis Marais die vaste en losskrums oorheers terwyl Oude Molen se lynstaanwerk telkens balbesit aan hulle besorg het. Deur die hele verloop van die wedstryd is balle wat aanvanklik in lynstane gewen is, verloor en in die losskrums wat gevolg het, het Huis Marais redelik oorheers. Oude Molen het met behulp van die wind baie gebiedsvoordeel geniet en deurdat Huis Marais se agterlyn 'n losbal wild weggegooi het, het Russel (no. 8) van Oude Molen vir 'n opportunistiese drie gesorg wat nie toegeken is nie. Van Heerden was onsuksesvol met die doelskop, asook daarna met 'n skepskop. Nadat Huis Marais met hantering weer beheer oor die val verloor het, het Russel oorgegaan vir Oude Molen se eerste punte wat die rustydelling op 4-0 te staan gebring het.

VERBETER

Met die begin van die 2e helfte het beide spanne met mening ingeklim, maar kon nie hul bewegings afrond tot punte nie. Huis Marais het goed gebruik gemaak van die wind en het veral in die laaste gedeelte van die wedstryd op Huis Marais se doellyn geboer; sonder dat punte aangeteken is. Op daardie stadium was die lynstaan-, vaste-, en losskrumtelinge redelik gelyk, hoewel losballe nog steeds nie na wense was nie. Die eindtelling het op 4-0 gebly; alhoewel 'n paar goeie bewegings, teen die einde gelyk het na moontlike punte as die afronding van die bewegings net daar was. Hoewel nog vroeg in die seisoen, kan beide spanne baie verbeter op hul algemeen samespel. Veral Huis Marais vertoon definitief nie sy voordeel van verlede jaar nie. Uitblinkers vir Oude Molen was M. Russel (no. 8), K. van Heerden (no. 10) en J. Muller (no. 15).

NICO VLOOT

Dagbreek troef
Libertas

IN 'n ruwe wedstryd het Dagbreek Vrydagmiddag daarin geslaag om naelskraaps met 8-6 oor Libertas te seëvier. Die wenpunte is eers naby die einde van die wedstryd aangeteken. Dit het die spanning hoog laat loop en die ondersteuning van die toeskouers, van veral Dagbreek, was benoemenswaardig.

Die stryd is hoofsaaklik onder die voorspelers beslis. Die gemoedere het deurentyd hoog geloop en vier spelers, twee van elke span, is in die loop van die wedstryd koelkas toe gestuur. Die wedstryd is ook ontsier deur baie strafskoppe.

PUNTE

'n Sterk dwarswind het die agterspel baie bemoeilik en die moontlikheid van aanskoulike hardlooprugby grootliks uitgeskakel. Libertas se voorspelers het goed begin, deur stewig in die skrum te vertoon. Dagbreek teken egter die eerste punte aan deur middel van 'n strafskep deur Poggenpoel, vleuel. Op hierdie stadium het die stryd baie gelykop verloop. Halfpad deur die eerste helfte teken Le Grange, van Libertas, 'n opportunistiese drie aan, deur 'n bal wat deurgeskep is, langs die pale toe te val. Dunn slaag met die vervyfskop en Libertas loop voor met ses punte teenoor twee. Dagbreek val egter sterk aan net voor rustyd, maar Libertas se goeie verdediging hou.

VOORSPELERS

In die tweede helfte het Dagbreek se voorspelers met brute kragrugby die oorhand begin kry. Met Du Plessis, flank, aan die voerpunt van Dagbreek se voorspelers, moes Libertas hul keer ken. Hulle verdediging hou egter tot vyftien minute voor die einde, toe Roux, flank, onder die pale oorbars vir 'n welverdiende drie.

Poggenpoel maak geen fout nie en Dagbreek loop 8-6 voor. Hierna het Dagbreek die een aanval na die ander op Libertas se doellyn geloods, sonder sukses. Die eindtelling in dié opwindende wedstryd is dan ook 8-6 ten gunste van Dagbreek.

PIEKE

Pieke het Mabré in 'n teleurstellende wedstryd met 14-3 geklop. Talle foute en beseringsoponthoude het verhoed dat daar enige werklike vloei in die spel was. Pieke se voorspelers het egter meer konstruktief as dié van Mabré gespeel en sodoende hul agterlyn die geleentheid gegee om die knoop vir hulle deur te haak.

Pieke was vanaf die afskop onmiddellik op die aanval. Vinnige rigtingverandering na 'n skrum in Mabré se kwartgebied het vleuel Du Bois in staat gestel om in die hoek oor te gaan. Footman het nie 'n fout met die skop gemaak nie en Pieke met 6-0 na vyf minute laat voorloop.

LUSTELOOS

Pieke hou Mabré vir die volgende tien minute onder druk en Van der Vyver beweeg dan ook by twee geleenthede mooi op die regtervleuel. Mabré, wat bra lusteloos voorgekom het, kom vir die eerste keer in Pieke se halfgebied na 'n netjiese

skop van skrumskakel Robinson. Hierna kom Mabré weer in die prentjie veral danksy strafskoppe.

Na rustyd boer Pieke in Mabré se halfgebied sonder veel sukses. Die spel word nou baie deur beserings onderbreek. Na ongeoorloofde spel deur Pieke slaag Gert van Zyl met 'n strafskep vir Mabré (6-3).

Pieke antwoord egter met 'n drie deur Michael Prins na onoordeelkundige spel deur Mabré (10-3). Kort hierna sny Du Bois vanaf die steelkant in en druk naby die pale (14-3).

Pieke val nou sterk aan en Du Bois loop weer mooi. Heinrich Claassen sorg egter vir 'n stukkie opwindende spel aan Mabré se kant deur vanaf sy eie doellyn tot in Pieke se kwartgebied deur te breek. Ongelukkig ly die beweging skipbreuk weens 'n gebrek aan ondersteuning en wen Pieke dus die wedstryd met 14-3.

WILGENHOF WEN TEEN
HELDERBERG

IN 'n wedstryd wat gedurende die eerste helfte redelik gelykop verloop het, het Wilgenhof daarin geslaag om Helderberg met 20-4 te klop. Wilgenhof se punte het bestaan uit 4 drieë teenoor Helderberg se 1.

Helderberg het in die eerste helfte saam met die sterk wind gespeel en hulle kon redelik daarin slaag om Wilgenhof van hul doellyn af weg te hou. Nogtans was Wilgenhof met rustyd 8-0 voor.

In die vaste skrum het Helderberg goed vertoon deur drie vasskoppe te haak. Ook die lynstane was baie gelykop en Ben van Rhyn van Helderberg het hier vir sy span uitgeblink. Wilgenhof het

egter die losspel geheel en al oorheers.

Wilgenhof het in die tweede helfte die spel heeltemal oorheers en daar was net geen keer aan hulle nie. Paul Lategan (skrumskakel) het aan die spits gestaan van hulle aanvalle en oor die algemeen gesien het hy 'n baie goeie wedstryd gehad. Aan Helderberg se kant het Francois Oosthuizen puik verdedig.

Vir Wilgenhof het die volgende spelers almal drieë gedruk: Ettiene Rabe, Eric Loubser, Van der Merwe en Kallie Kirsten. Mark Sherrel het met 'n strafdoel en 'n doelskop geslaag. Vir Helderberg het Ben van Rhyn 'n drie gedruk.




Die hoogtepunt van die jaarlikse Ingenieursweek, die trapkaruit-houwedren word môre gehou. Só het die wegspring van verlede jaar se wedren gelyk.

pikkie blommaert

mansuïtruster

stellenbosch



Wilhelms
SPORT

Andringastr. 19
Stellenbosch 7600
Tel. 02231-4794

BESOEK DIE MEKKA VAN
SPORTBENODIGHEDE

vir
PUIK DIENS
om alle belangstellings
te bevredig

BEKER PRONK VIR

Kampioene

ALTYD IN MATIELAND

DIE Maties het gedurende die Paasnaweek die Toyota-klubtoernooi vir die vierde keer in vyf jaar gewen deur Tukkies in die finaal met 27-11 te klop. Aangesien dit ook die derde agtereenvolgende jaar was waarin die Maties hierdie toernooi gewen het, het hulle nou die eienaars geword van die trofee, en sal 'n nuwe een gemaak word vir volgende jaar.

En op watter skitterende wyse het die Maties dit nie reggekry nie! Die Maties is met 'n verswakte agterlyn na Durban, nadat spelers soos Agie Koch, Deon van Blommenstein, Gys van Schoor en Swys Joubert weens beserings nie beskikbaar was nie. In Durban het die Maties egter rugby van so 'n aard gespeel dat hulle bestempel is as die beste Matiespan wat nog daar gesien is.

REKORDS

Hierdie bewering word deur statistieke gerugsteun, want 'n hele streep rekords is opgestel deur hierdie Matiespan van Boland Coetzee. Die telling van 97-9 teen die Pukke is die grootste wat nog ooit daar behaal is. Die 26 drieë en 165 punte is ook die meeste wat enige span nog in drie wedstryde in hierdie toernooi kon behaal. Robbie Blair het met sy 61 punte ook gesorg vir 'n nuwe toernooi-rekord. In die eerste wedstryd klop die Maties

die Pukke, soos reeds vermeld, met 'n rekordtelling van 97-9. Hierdie wedstryd was gekenmerk deur uitstekende spel, wat miskien as die beste ooit deur 'n Matie-span gereken kan word. Dit word bewys deur die baie punte wat deur beide voor- en agterspelers aangeteken is. Baie kenners was van mening dat dit die mees korrekte, foutlose rugby was wat in jare in Suid-Afrika gesien is.

Die tweede wedstryd was teen die sterk Natalse span, Durban Collegians. Nadat die Natallers sommer met die intrapslag punte aangeteken het, was dit Boland Coetzee en Adam Barnard wat met uitstekende spel die Maties teruggebring het in die wedstryd, en gesorg het dat die Maties sommer vroeg in die wedstryd al die hef in die hand gekry het. Alhoewel die Maties die wedstryd baie goed en oortuigend gewen het met 41-21, word twee van hul spelers, Pierre en Tollie Oosthuizen, ongelukkig beseer.



Robbie Blair en kaptein Boland Coetzee hou hier trots die Toyota-trofee omhoog.

Die Maties het dus weer deurgedring na die finaal en ná die onlangse nederlaag op Coetzenburg was hul opponente, die Tukkies, sekerlik oorgehaal om wraak te neem. Die verrassingsmoment van die ervare Dok Craven het egter weer die Tukkies aan die raai gehad toe Divan Serfontein, en nie Martyn van Blommenstein nie, skrumskakel speel, nadat Martyn in die vorige wedstryd teen hulle 'n uitbinker was. Die ander verrassing was die voorry wat heelwat anders gelyk het deurdat Sakkie Moeke in Hempies du Toit se plek gespeel het, en Flippie van der Merwe oorgeskuif het van die vaskopkant. Hierdie veranderinge moes sekerlik die Tukkies se planne deurmekaar gekrap het en dit het baie effektief gewerk, want dit was die voorspelers saam met Serfontein wat die Tuk-

kies se fut uitgehaal het. Dan was daar nog die drie skitterende drieë van Adam Barnard, wat vir hom naam gemaak het met sy doelgerigte lopies nadat hy as onbekende faktor na Durban is, wat die wedstryd in die Maties se guns geswaai het.

AFRIGTINGSMETODES

Die sukses wat die Maties vanjaar en ook verlede jaar behaal het, kan in 'n groot mate toegeskryf word aan die nuwe afrigtingsmetodes wat Dok Craven van verlede jaar af op die Matiespanne toepas. Verlede jaar het dit reeds gedien as wenresep en dit lyk of dit vanjaar vervolmaak word. Die afrigtingsmetodes behels basies die verkryging van absolute fiksheid en vaardigheid in spel gedurende die oefeninge. Dit kom dus in 'n groot mate neer op kontakrugby in die

oefeninge waar die belangrikste kenmerk van alles die beheer van die bal bly.

Hierdie oefenmetodes kan as die direkte oorsaak gesien word van die feit dat die Maties 'n span soos Tukkies, en selfs Durban Collegians, wat bekend is vir hul voorspelerspel, so oortuigend geklop het in daardie afdeling van die spel. Die Maties kom deesdae met uitstekende voorspelerspel vorendag, en veral wat hul dryfspel en die losspel betref, is daar baie wat ander provinsiale spanne van hulle sal kan leer. 'n Mens hoop net dat hierdie uitstekende spel waarmee die Maties die seisoen ingelui het, as basis gebruik sal word deur die Westelike Provinsie, en dat daar voortgebou sal word op die Maties se hoogs effektiewe spelpatroon.

KOBUS BASSON

MATIE-STOEIERS PRESTEER

VIR die Maties beloof 1979 om 'n baie opwindende stoeijaar te wees. Die jaar het met 'n hoogtepunt begin toe die Interkoshuiskompetisie meer as sewentig stoeiers gelok het. Ongelukkig gaan vele talent daarna verlore omdat dit moeilik is om op Stellenbosch aan meer as een sportsoort deel te neem en stoei nie so gewild is nie. Verder heers daar ook 'n groot onkunde op die kampus oor wat amateurstoei werklik is en word daar nie besef dat dit een van die skoonste kontaksporthe is nie en dat beserings selde voorkom.

By die WP-Proewe, is agt Maties gekies vir die WP-span wat oor die Paasnaweek aan die Kuskampioenskappe in Port Elizabeth deelgeneem het. Wat die prestasie soveel groter maak, is dat slegs 11 stoeiers aan die proewe gaan deelneem het.) Die stoeiers is: Louis Jones (onder 48 kg), Gerhard Bredenkamp (52-57 kg), Nico Bredenkamp (57-62 kg), Louis Conradie (62-68 kg), Nico Loubser (68-74 kg), Jannie van der Merwe (68-74 kg) en Fanie Vermaak (74-82 kg).

GOUE MEDALJE

Net vyf van die agt het wel gaan deelneem omdat Conradie, Loubser en Van der Merwe hulle van die span onttrek het. Van die res het Fanie Vermaak 'n goue medalje verower te midde van sterk teenstand van die ander provinsies - Natal, OP, Boland en Noord-Natal. T. Fourie (90-100 kg) van die Militêre Akademie in Saldanha, wat vir Boland gestoei het, het ook 'n goue medalje ingepalm.


Vir Matiestoei lyk die vooruitsigte vir die jaar baie interessant. Benewens ligawedstryde wat gaan plaasvind, is daar ook van tyd tot tyd afrigtingskursusse wat aangebied word en vriendskaplike toernooie teen Bolandse klubs.

Die eerste liga-toernooi vind op 5 Mei plaas wanneer die seniors teen Weermag, heelwaarskynlik in die D.F. Malan-gedenksentrum, te staan sal kom. Dan is daar ook nog die SAU-kampioenskappe wat hierdie keer by RAU vroeg in Julie maand plaasvind. Hiervoor wil die Klub dan ook 'n sterk span inskryf. Die algemene verwagting is dat die US-Stoei-

klub vanjaar besonder goed sal vaar in al die kompetisies waaraan hulle gaan deelneem.

FANIE VERMAAK

Ten slotte kan die Klub ook spog met 'n stoeier soos Fanie Vermaak wat die uitstekende prestasie gelewer het deur by die Springbokproewe wat gedurende Maart in Klerksdorp gehou is, 'n tweede plek te behaal. Hiermee het hy 'n besondere navolgenswaardige voorbeeld vir elke stoeier in die WP en op Stellenbosch gestel, want sonder harde werk en offering kan sukses nie verwag word nie.



KWARTUS SIEBERHAGEN

ONS rugbyspan het die afgelope vakansie die Universiteit se naam hoog gehou (sien hoofberig). Namens die sportredaksie wil ek ook hiermee aan dr. Craven en sy spelers ons hartlike gelukwensing oordra. Dit is jammer dat ons nie aan die einde van die jaar 'n toekenning vir die beste sportsman het nie. Die eerste rugbyspan sou beslis 'n baie sterk kandidaat daarvoor wees.

Die koshuiswedstryde is nou ook weer in volle gang. 'n Interessante verskynsel is dat die privaatwyke sterker skyn te wees as in die verlede. Die hoofrede wat hiervoor aangevoer word, is dat spelers net vir die koshuis waarin hulle woonagtig is, mag speel. Dit het die residensiële koshuise van spelers ontnemend wat in die verlede nog vir hulle sou kon gespeel het.

Is môre se trapkarwedren 'n sportbyeenkoms of is dit net "sports"? As 'n mens so na die verskillende koshuise se

mense luister, besef 'n mens dat dit 'n geweldige ernstige storie is. Watter koshuis gaan vanjaar wen? Verlede jaar het Helderberg Dagbreek in die laaste rondte verbygesteek om die eerste koshuisspan te word. Beide koshuise het vanjaar nuwe karre en sal hul beste lewer. Of is daar miskien 'n onbekende faktor in 'n bedreiging wat van 'n ander koshuis mag kom. Die manne wat gaan trap, sal hul storie moet ken.

FIETSTOER

Verlede Saterdag het 'n Kaapse middagblad in samewerking met die Westelike Provinsie-Trapkragervereniging 'n fietswedren om die Kaapse skiereiland aangebied. Die Maties het besonder goed presteer deur die eerste drie plekke in te neem. Hans Degenaar het die afstand van 104 kilometer afgelê in 2 uur 52 min. 38 sekondes. Tweede was Pierre Smit en

derde Wimpie van der Merwe.

Die skrywer het self, sonder veel oefening, die roete aangepak en tot die gevolgtrekking gekom dat 'n mens nogal fiks moet wees vir so 'n storie. Dit het by my die vraag laat opkom, vir watter sport moet 'n mens die fiksste wees, liggaamlik sowel as geestelik.

As 'n mens daarvoor sou debatteer, sou dit seker 'n hewige polemiek afgee. Tog sal dit interessant wees om mense se menings te hoor, maar dit moet baie duidelik gemotiveer word. Briewe kan aan die Sportredakteur, *Die Matie* gerig word. In 'n latere rubriek sal ek dan kan verslag doen oor al die verskillende menings en idees.

Met die verlies van Willie Loots as sportorganiseerder en Andries Krogman as afrigter word daar leemtes gelaat wat moeilik gevul kan word. Namens alle Maties wil ek hulle bedank vir wat hulle vir Stellenbosch beteken het.

ON-THE-SPOT

DROOGSKOONMAKERS
H/v Andringa- en Kerkstraat

20% AFSLAG VIR US SE MENSE

Probeer ons Selfdien Muntstuk Wassery

Wynkenners kies
Witzenberg
-ware wyn van die land



Waar wyn 'n leefwyse is, is Witzenberg
die keuse. 'n Wye reeks van natuurlike, eerlike
landwyne – geurig vir die neus, vrugtig
op die tong, suiwer genot uit die wingerdstok.
Kenniswijn vir aldag se skink.
Teen 'n prys waarop elkeen kan klink.

Die manjifieke Witzenberg-reeks

Droë Wit • Perlé Rosé • Perlé • Keurige Rooiwyn • Stein Select • Edelgoud Late Harvest

NOU OOK IN DIE SIERLIKE 2-LITER MAKSI-KRUIK